

Korint Kimbi 2

Polnön Korint yengöra kimbi aliga

2 ahök.

Jim-asa-asari

Pol aka Korint urumelen könagesö yenön urumohot ölöpnj qahö aketka nalö miangören Polnön Masedonia mala kimbiñi ki ohoyök. Tosatñan Pol tuarenjon köhöikñi ak wangigetmö, Polnön töndup angururuk memba et ala yembuk urumohot akingö kapan kölok. Angururukñini tekömapkö urusösöngaini kondel engiyök.

Kimbi bahöñi mutukñi (Boñ 1-7) miangören Polnön Korint urumelen könagesö yembuk jöhöjöhö ahöhangö keunji jiza. Könañi denöwögöra urumelen könagesö mi köhöikñanök jim engiyök? Mewö aiga urunini melenja urumohot akeri, miangö sösongaini kondela jim asariza.

Kimbi bahöñi 2 (Boñ 8-9) miangören Judia urumelen könagesö bauköm engiba naluk engimegöra kuñgum engiza.

Kimbi bahöñi 3 (Boñ 10-13) miangö keunji kewö: Böhi takapulakanñi tosatñan nanñini getñini 'Aposol ölnj' jiba Polgöra aposol munenñi jigetka Polnön keu miangö likepnj melenj engiyök.

Buk kiangö bahöñi bohonñi 5 mi kewö:

Jim-asa-asari keu *1.1-11*

Pol aka Korint urumelen könagesö *1.12-7.16*

Judia urumelen kambu yengöra naluk alme *8.1-9.15*

Polnön aposol ölnji akzawaᅅgö kukösumᅅji 10.1-13.10
Keu teteköᅅji 13.11-13

¹ *Anutunöᅅ sihimᅅaᅅgö dop Pol ni kuᅅgum niᅅgiiga Kraist Jisösgö melaimelai azi aposol akzal. Nöᅅön urumelen alanini Timotibuk tatzit. Korint sitinöᅅ Anutugö urumelen könagesö maljei aka ambazip sarakᅅi pakpak Akaia prowinsᅅini dop köla maljei, netkön embuk Buᅅa keu eraum mötpingöra kaba kimbi ki ohozit.

² Anutu Iwinini aka Kembu Jisös Kraist yetkön mönö kalem möriam enᅅiyohotka luainöᅅ malme.

Polnön Anutu urukölaleᅅᅅaᅅgöra möpöseiza.

³ Nini Kembunini Jisös Kraistkö Anutu Iwiᅅi möpöseimakzin. Yaᅅön mönö ak-kömukömu Tonji aka urukölaleᅅ pakpak neᅅgimakzawaᅅgö Anutuᅅi akza.

⁴ Nini kahasililinᅅ könaᅅi könaᅅi miwikᅅaimakzini, nalö miᅅaᅅgöᅅᅅ Anutunöᅅ uruᅅesawölim neᅅgimakza. Uruᅅesawölim neᅅgii möta miᅅaᅅgö qakᅅe kininga tosatᅅan kahasililinᅅ könaᅅi könaᅅi miwikᅅaimakzei, mi mönö ölop amᅅeba uruᅅesawölim enᅅimakin. ⁵ Miᅅaᅅgö könaᅅi kewö: Kraistpuk qekötahöinga yaᅅgö sihimbölöᅅan qaknine öᅅgöi kelenmaleᅅen mörakzinmö, miᅅaᅅgö dop uruᅅesawölim mewöᅅanök neᅅgii Kraist qekötahöinga urukölaleᅅᅅan urunine geiga kelenmaleᅅen mörakzin.

⁶ Neᅅön köᅅjilinᅅ uruᅅe maljin ewö, Anutunöᅅ mönö iᅅini uruᅅ qesawölim enᅅii uruᅅini kunbuk melenᅅa oyaenᅅkoyaᅅ akᅅegöra mötza. Anutunöᅅ

* 1:1: Apo 18.1

uru qesawölim neŋgiiga eŋön mi eka nanŋinak uru qesawölim miwikŋaime. Uru qesawölim eŋgimazawaŋgö ölŋan mönö uruŋine kewö asuhumakza: Nini sihimbölö möringa eŋön tok sihimbölö miyöhök miwikŋaime ewö, mi mönö ölop möta mökösoŋda kin köhöiba malme. ⁷ Sihimbölönöŋ qakŋine öŋgöi mörakzei, uru kölalepnöŋ mönö mewöŋanök qakŋine öŋgöi malje, mötzin. Mi möta miangöra eŋön kin köhöimegöra mamböta jörömqöröm köhöikŋi ahakzin.

⁸ *O urumelen alaurupni, nini Eisia prowins uruŋe nup memba mala nupkö sihimbölö möta kahasililiŋ miwikŋaiba mörini, iŋini miangöra gukmaulem malbepuköra mötzin. Nupkö lömbötŋan ösumnini oŋgita öŋgöŋgöŋi aka mulumgöm neŋgiiga kin köhöibingö osiŋmö, töndup kapan kölinga mem et al neŋgiiga malin. Mewö asuhuiga toroqeba malbin me qahöwi, miangöra mewöyök tötböröm aka malin.

⁹ Mewö mala uruninan kewö mötmöriin: Kunöŋ kömumbingö keuŋi lök jim teköi keu miangön qakŋine öŋgöi ayuhubingö mambörin. Nanini ösumnöŋ nariba malbinbukmö, Anutu kukösum qakŋe nariba malbingöra aka mewö asuhuyök. Anutunöŋ kömukömuŋi mem gulim eŋgii wahötmei, yaŋön mönö amqeba nini mewöyök bauköm neŋgimakŋa.

¹⁰ Kömumbinbukö keŋgöt mötmöt öŋgöŋgöŋi ahinmö, Anutunöŋ mönö miangöreŋök meköm neŋgiyök. Meköm neŋgiyök aka toroqeba meköm neŋgimakŋa. Nini jörömqörömnini Anutugöreŋ ala mewö möt narim waŋgiba kinjin.

* **1:8:** 1 Kor 15.32

11 İhini mewöyök bauköm neŋgiba neŋgöra aka köulukögetka meköm neŋgimakŋa. Gwöt-pukŋan neŋgöra aka köulukögetka Anutunöŋ möta miangö likepŋi meleŋni kalem möriamŋan dop köl neŋgii neŋgehorimakŋa. Mewö meköm neŋgiiga alaurup gwöt-pukŋan mi möta neŋgöra aka mindiriba möpöseigetka köiraŋ köulukŋinan öngöba Anutugö kezapŋe gemakŋa. Miangöra mönö toroqeba nöngöra aka Anutu köulukömakŋe. Mewö qesizal.

Polnöŋ köna anangö areŋi uteköyök.

12 Tosatŋi İhini nöngö könaŋamnaŋgöra uruyahöt akzei, miangöra keu kewö jimam: Anutunöŋ solanŋi malbingö mörakzawi, neŋön miangö dop gölmeŋi gölmeŋi liliköba miangöreŋ ahakmeme sarakŋi mi pöndaŋ wuatangöba malin. Engö sutŋine mi mönö kapan köla törörök wuatangöba malin. Mi gölme ambazip mötkutukutuninaŋgö dop qahöpmö, Anutugö kalem möriamŋan inahöm neŋgiyöhaŋgö dop mi aka memba malin. Anutunöŋ ahakmemeni mi eka naŋgöba “Dop kölja,” jiiga urukezapnan keu mi mörakzal aiga miangöra silenini memba öngömakzin.

13 Kulem ohomakzali, miangö keuŋi pakpak mönö ölop oyoŋda möt asarimeangö dop akza. Keuni mi geŋmoŋi qahö. Keu könaŋi asa-asambötŋi kun qahö ohomakzal. Mi aukŋeyök ahöza. Miangöra nöngö könani mi körek möt asarim tekömegöra möta jörömqöröm akzal. 14 Nöngö könani mi lök bahösapsap kewö möt asarize: Kembunini Jisösnöŋ kunbuk kamawi, neŋön mönö nalö miangöreŋ engöra aka sileni memba öngömam. Miangö dop İhini mewöyök ölop nöngöra

aka silenini möpöseigetka dop kölma. Inini nöngö könani mewö möt asarim tekömegöra mötzal.

¹⁵ Nöñön keu mianğö qakņe awösamkakak kinalanğöra aka mutuk engören kaba engekņamgö areņi alal. Indimņi yahöt engekiga kötümötuet mötmegöra aka kōna anmamgö areņi kewö albi ahöyök: ¹⁶ *Masedonia prowinsnōņ anmamgö kōnanōņ mutuk inini engeka toroqeba Masedonia anda lilingōba kunbuk engören kamamgö jial. Kaba malbi yuai tosatņi baukōm niņgiba melaim niņgigetka engōmosōta Judia prowinsnōņ anmamgö mōral.

¹⁷ Areņni mewö albi ahöyōkmō, mi utekōyal. Mewö aka an köl kam köl qakņe mōndōba laņ qahō ahal. Nani areņni mi gōlme ambazipkō dop nananğöra laņ mötmōriba qahō ahal. Mewö kude mötmōrime. Numbu ösum mohot mianğōnōk “Oņ, ölöp kamam!” aka “Qahō kamam!” keu yahöt mi mindiriba qahō jial. Mōnō ahakmeme sarakņi wuatangōmakzal.

¹⁸ Anutunōņ keu jiba mianğö dop pōndan ahakzawi, neñōn mōnō yanğō jeņe kewö jim kōhōizin: Neñōn nalō kunōņ “Oņ, mi ölöp akin,” jim jōhōba mianğö andōņe “Mi qahō akin,” pōtagororōņ keu mewö melenqeleņ qahō jiba malin.

¹⁹ *Anutu Nahōnņanğö kōnaņi kewō: Nöñōn Sailas aka Timoti yetpuk engō sutņine Kraist Jisōsgō kōnaņi jim asariba malinga yanğōn “Anutugō jitņi tem kölmam!” aka “Qahō tem kölmam!” keu jōl yahōtyahōtkō qakņe melenqeleņda qahō kaba malōkmō, Anutugōra keu

* **1:16:** Apo 19.21 * **1:19:** Apo 18.5

jiba jöhöyöhi, miangöra mönö “On!” jiba miangö dop aka memba malök.

²⁰ Anutunöŋ jöhöjöhö keu (promis) sehisehini dawik neŋgiyöhi, qötöŋini qahö mötzinmö, Kraistnöŋ keu körek miengöra “On!” jiba mem köhöiiga pöwöwöm ahöza. Miangöra Kraistnöŋ mewöyök nam köl neŋgii keu miengö ölninan asuhui möta “Keu mi ölna,” jibin. Mewö ahinga Anutugö qetbuŋaŋan sehimakŋa.

²¹ Anutu nanŋak mönö nini aka iŋini mohot mem köhöim neŋgiiga Kraistpuk qekötahöba kin köhöibin. Yaŋön mönö Buŋa keu jim sehibingöra aka bedu mem neŋgi maljin. ²² Anutunöŋ uru-nine Uŋa Töröŋi mekötahöiga yaŋön oyaenŋkoyaen malbingö keuŋi nanŋöba jim köhöimakza. Anutunöŋ mewö aka buŋaŋi akzinanŋö muŋgem supapŋi mi mekötahöm neŋgiyök.

²³ Nöŋön tembula lömböt engibileŋbuköra möta zilaŋ Korint engöreŋ qahö lilingöba kayal. Mewö jiba Anutugö qetŋi qetpi ölop keuni mi nanŋöba jima. ²⁴ Silik denöwö aka Anutu möt nari-makzei, miangöreŋ kembu ak engimangö qahö mötzal. Mötnariŋinan lök töndangöm engiiga kin köhöimakze. Miangöra sösöŋgai qakŋe malmegöra bauköm engimangö möta embuk mohotŋe urugö nup memakin. Mewö.

2

¹ Mutuk engöreŋ kaba siksauk akerangöra jim engibiga gamuŋini möta wösöbirik aket. Miangöra engöreŋ kabiga kunbuk mewö akepuköra möta urunan keu jöhöba köna anangö areŋni uteköyal.

² Miangö könaŋi kewö: Gamu qem engibi wösöbirik

akeak ewö, danön ölop uruni qesawölim niñgiiga kunbuk sösöngai miwikñaibilenjak? Janjuñinanğöra aka jim engibi wösöbirik akeak ewö, tosatñan sösöngai ak ningibingö osigetka nanak mewöyök wösöbirik aka malbilenbuk. Mianğöra zilañ kaba gamu qem engimamgö töközal.

³ Kimbi köhöikñi mi könañi kewögöra ohoba alal: Nöñön söñgaibiga körek enön mönö nömbuk söñgaime. Nöñön inini körek mewö uruyahötñi qahö möt narim engizal. Nöñön tosatñi engöra sösöngai miwikñaaimamgö mötzalmö, kabiga könañamñini sohoi lañ malgetka engeka wösöbirik akilenbuk. ⁴ Wösöbirik akñegöra kimbi mi qahö ohoyalmö, önöñi qahö uru jöpaköm engimakzali, inini mianğö könañi möt yakömegöra mönö keu köhöikñi mi kimbinöñ ohoyal. Urunan engöra aka waimanjat ketañi möta könjilin qakñe tata imbilnan eriga ohoyal. Mewö.

Kunñan köna öñgiröhi, yanğö siñgisöndokñi mönö mosötme.

⁵ Kunöñ siñgisöndok aiga gamu aka wösöbirik asuhuyöhi, mianñön mönö nöñgö qakneyök qahöpmö, körek engö qakñine mewöyök öñgöyök. Keu mi jim qaribi sohobapüköra mönö kewöyök jimam: Gamu mianñön mönö körek dop köl engii mianğöra gwötpuk me borom kun wösöbirik aket. ⁶ Könagesö ölnan keuñanğö likepñi melen wañgigeri, mianñön mönö dop köl wañgii uruñi kunbuk melenök.

⁷ Nalö kewöñe gamu aka wösöbirik keta bölökñi möriga mianñön jem keleleñgöbapüköra mönö lömböt kude toroqem wañgime. Lömböt qahöpmö,

mönö kapanj köla siŋgisöndokŋi mosöta urukölalep ak waŋgime. ⁸ Mianğöra kewö uru kuŋgum enğizal: Injini mönö keu jöhöba urukalemŋini kunbuk toroqeba köhöiba kondel waŋgiba malme. ⁹ Nöŋön kimbini mi kewögöra ohoyal: Injini nöŋgö keuni pakpak tem köla esapesapnöŋ kin köhöime me qahö tem köla töteköba etme, mianğö könani kewöta mötmamğöra möta mi ohoyal.

¹⁰ Injini kungö siŋgisöndokŋi mosötze ewö, nöŋön mi mewöyök mosöt waŋgizal. Bölöŋi ak niŋgiyöhi, mianğöra qahö mötpi öŋgözapmö, enön kunbuk ölöwaka mindirim aŋgumegöra mötzal. Mianğöra bölöŋamŋi mi lök Kraistkö jene ölna mosöt waŋgibiga teköyök. ¹¹ Satanöŋ areŋi ala silenöŋ alal könani könani ahakzawi, mianğöra tönpin qahö maljal. Mianğöra Satanöŋ luhut al neŋgibapuköra aka azi mianğö siŋgisöndokŋi mönö mosöt teköme. Mewö.

Polnöŋ Troas mala Taitusğöra waimanjat mörök.

¹² *Nöŋön Kraistkö Ölöwak Buŋani jim sehimamğöra aka Troas taonöŋ anbiga Kembunöŋ nanğu öröm niŋgiiga nupŋi mianğöreŋ memamğö amqeyök. ¹³ Mewö amqeyökmö, urumelenj alani Taitus qahö miwikŋaibi keuŋini qahö jii möralaŋğöra aka waimanjat möta luainöŋ urune qahö ahöyök. Mianğöra yaizözkökŋini jiba enğömosöta Taitus jarumamğöra Masedonia prowinsnöŋ anal. Mewö.

Kraistnöŋ ösum neŋgiiga luhut alakzin.

¹⁴ Neŋön Anutu kewögöra möpöseimakin: Kraistkö buŋa aka welenni qeinga Anutunöŋ

* 2:12: Apo 20.1

nalö dop suahö galöm ewö aka nenġuanġiriga anda köiraŋ kölakzin. Luhutnöŋ plaua juranġö wöronŋi ölöpnġi memba kaiga mörakzin. Mianġö dop Anutunöŋ nam köl nenġiiga denike denike liliköba Kraistkö könaŋi jim asariinga aukŋe asuhum sehiba aniga gölme dop mörakze. Mianġöra Anutu möpöseimakzin.

¹⁵ Mianġö könaŋi kewö: Nenġon ambazip Suep mire öngömei aka könöp sianöŋ gemei, yeŋgö sutŋine anda kainga wöronini sarakŋi mörakze. Kraistkö könaŋi jim sehiinga Anutunöŋ nupni-naŋgö wöronŋi möt ölöwahakza.

¹⁶ Könöp sianöŋ gemei, yeŋön Buŋa keunini mötketka mianġon keuŋini jim teköiga kömum köhöimegö möta mönö qamötkö mumu wöronŋi ewö akza. Suep mire öngömei, yeŋön Buŋa keunini mötketka oyaenġkoyaenġ enġimapkö möta mönö malmal kömbönaŋanġö wöronŋi umköhöwakŋambuk ewö akza. Daŋön nup mewöŋi memawaŋgö dop akza? ¹⁷ Ambazip tosatŋi gwötpukŋan mönö ni ewö qahö akze. Yeŋön malmalŋini naŋgöbingöra möta Anutugöreŋ keu mi kölköl-örörö ewö laŋ memba ala jimakze. Nöŋön yeŋgö dop qahö ahakzalmö, Kraist qekötahöba köŋbiŋ mosöta uruni sarakŋi aiga kinjal. Anutunöŋ melaim niŋgiyöhi, mi möta yaŋgö jemesoholŋe kinda Buŋa keuŋi törörök jim sehimakzal. Mewö.

3

Jöhöjöhö areŋ döläkŋanġö nup meme ambazip akzin.

¹ Nanak kõnaŋamni kunbuk kõnahiba jim ölöwakŋamaŋgöra mötmörize me? Mi qahö. Nup meme ambazip tosatŋan Korint eñön yeŋgö kõnaŋini mötmegöra möta jim ölöwak kimbi ohobingö kapaŋ kölakze. Tosatŋan Korint eñön yeŋgö kõnaŋini naŋgöba jiba jim ölöwak kimbiŋi kimbiŋi ohomegöra iŋini kuŋgum eŋgimakze. Nöñön nupni diŋdiŋanök mealanğöra jim ölöwak kimbi mewöŋanğöra qahö osizal. ² Anutunöŋ Korint iŋini böröne al eŋgii letota wölböt kötni aka nanŋinak nöŋgö jim ölöwak kimbini ewö akze. Anutunöŋ nöŋgö jim ölöwak kimbini mewö ohoiga ambazip körekŋan silik tandökŋini dölöknj mi eka oyoŋmakze.

³* Iŋini Kraistkö papia kimbi ewö akzei, mianñön aukŋe ahöza. Mosesnöŋ Köna keuŋi naŋim oŋi iŋk mianñön köt tafenöŋ ohoyöhi, iŋini mianğö dop qahö akzemö, Kraistnöŋ kimbiŋi eŋgö uruŋinaŋgö tafene kewö ohoi kinje: Neñön nup meinga ölni asuhui Kraistnöŋ Anutu malmal köhöikŋi Toŋanğö Uŋaŋi uruŋine ali letotket. Ambazipnöŋ nupni-naŋgö ölni mi eketka mianñön bauköm eŋgiiga nup-ninaŋgö kõnaŋi möt asarimakze.

⁴ Kraistpuk qekötahöinga Anutunöŋ nupninaŋgö tandökŋi mötza. Mianğöra nup meinga iŋini Kraistkö buŋaŋi akeri, mi ölöp Anutugö jeŋe awösamkakak kinda jizin. ⁵ Nanini köhököhöi qakŋe nup ölöpnj ki Anutugö jeŋe membinanğö dop akzini, mewö ölöp qahö jibin. Nanini yuai kunöŋ qahö lapinğömakzinmö, Anutunöŋ nanñök inahöba mötmöt neŋgiiga nup ki memakzin.

* **3:3:** Eks 24.12; Jer 31.33; Eze 11.19; 36.26

⁶ *Anutunöŋ inahöba mötmöt neŋgiiga jöhöjöhö areŋ dölökŋaŋgö nup meme ambazip akzin. Mosesgö Köna keuŋaŋgö kulemŋi mohot mohotköra urukönöp akinak ewö, keu mianön mönö keunini jim teköiga kömum köhöibinak. Uŋa Töröŋaŋgö nup areŋi jim asariinga yaŋön mem gulim neŋgiiga mal köhöibin. Miangöra Köna keugö areŋi miyök wuatangömegöra qahö kapan kölakzinmö, Uŋa Töröŋi möt aŋgön kölmegöra uru kuŋgum eŋgimakzin. Mewö.

Jöhöjöhö areŋ dölökŋaŋgö nupŋi mi aködamunŋambuk.

⁷ *Anutunöŋ Köna keuŋi jiba kulemŋi kötnöŋ möndömgöba ohoyökmö, ambazipnöŋ mi qahö tem kölgetka Anutunöŋ keu miangö dop kewöta likepŋi melen eŋgiiga kömumba köhömuŋi mala kotket. Anutunöŋ mutuk Köna keuŋi neŋgiiga nalö miangöreŋ asakmararaŋan Mosesgö jemesoholŋi qei asariyök. Asakmararaŋ mianön waziba ayapkömawaŋgö dop ahökmö, mi töndup Israel ambazipnöŋ jemesoholŋi törörök uba ekingö dop qahö aket. Gwötpuk asariyöhaŋgöra mi osiget. Köna keugö Buŋa areŋ walŋan lök mewö asakmararaŋambuk asuhuyök.

⁸ Mewö asuhuyökmö, Uŋa Töröŋan Buŋa areŋ dölökŋi neŋgi miangö asakmararaŋan asuhumawi, mianön mönö jöhöjöhö areŋ walŋaŋgö asakmararaŋi oŋgita önöŋi qahö asariba jenini gamugamu ahakŋa. ⁹ Mutuk Mosesgö Köna keu asuhuba kewöt neŋgiiga miangö dop könöp siagö buŋaya akzin. Buŋa keu mi lök

* 3:6: Jer 31.31 * 3:7: Eks 34.29

aködamunꞑambuk asuhuyök. Mianꞑöra Anutunöꞑ keunini kewöta jim teköi solanibini, Buꝼa keu mianꝼö aködamunꝼan mönö keta bölöknꝼi akza. Mianꝼön jöhöjöhö areꝼ walꝼaꝼgö aködamunꝼi mi gwötpuk oꝼgita qetbuꝼaꝼambuk akza.

¹⁰ Buꝼa nup walꝼan mutuk aködamunꝼambuk ahökmö, mi Buꝼa nup areꝼ dölöknꝼambuk mindiriba kewöringa walꝼi mianꝼön mönö qetbuꝼaꝼi qahö akza. Uꝼa Töröꝼaꝼgö nup areꝼ mianꝼö aködamunꝼan öꝼgöꝼgöꝼi akzawaꝼgöra nup areꝼ walꝼan mönö yuai omaꝼi ewö akza.

¹¹ Anutu amötqeqeꝼaꝼgö köna walꝼan lök waziba ayapkömawaꝼgö dop ahök. Mianꝼön lök asakmararaꝼambuk asuhuyök. Mianꝼöra köna dölöknꝼi teteköꝼi qahö ahöm öꝼgömawi, mianꝼö asakmararaꝼan mönö köna mutukꝼaꝼgö asakmararaꝼi mi önöꝼi qahö oꝼgita jenini gamugamu ahakza.

¹² Jöhöjöhö dölöknꝼan teteköꝼi qahö bauköm neꝼgiiga asakmararaꝼan asuhumawi, mewö Anutu jörömꝼöröm al waꝼgimakzin. Mianꝼöra keꝼgötnini qahöpmahöp möta awösamkakak kinda keu mi kusum eꝼgimakzin. ¹³ *Mosesnöꝼ Israel ambazip asakmararaꝼ waziba ayapköyöhi, mi ehibepuköra manjat möta jemesoholꝼi opo jahönꝼan esuhuyök. Neꝼön mianꝼö dop qahö ahakzinmö, Buꝼanini aukꝼeyök jimakzin.

¹⁴ Buꝼa walꝼaꝼgö asakmararaꝼi eketmö, uruꝼinan töndup gwözöꝼi laꝼ mala kotket. Nalö kewöꝼe mewöyök yuai kunꝼan mönö opo jöhan mianꝼö dop Juda ambazip gwötpuk yeꝼgö uruꝼini

* **3:13:** Eks 34.33

gwözöŋni malje. Mianğöra Jöhöjöhö Walŋaŋgö Buŋa keuŋi keuŋi oyoŋjei, mienğö könaŋini mi törörök qahö möt asarimakze. Uruŋini melenđa Kraistpuk toroqegetka mewö mianjönök mönö opo jöhanŋini mi qeköi möt asarime. ¹⁵ Nalö kewöŋe mewöyök Mosesgö Köna keuŋi oyoŋgetka yuai kunŋan mönö opo jöhan ewö uruŋini gwözöŋni mötmötŋinan lömbörii malje.

¹⁶* Mewö maljemö, Buŋa Kimbigö keu kun kewö ahöza, “Mosesnöŋ ‘Kembubuk eraum mötpit,’ jiba opo jöhanŋi mesoholŋeyök qeközapma.” Keu mewö ahöiga yeŋgöreŋök kunŋan uruŋi melenđa Kembubuk toroqezawi, nalö mianğöreŋök mönö yuai opo jöhanŋaŋgö dop mi qeköi Anutugö amötqeqeŋaŋgö könaŋi möt asarima. ¹⁷ Keu mianjön “Kembugöra” jiba mi mönö Kembugö Uŋaŋaŋgöra jiza. Kembugö Uŋa Töröŋan denike yeŋgö uruŋine maljawi, yaŋön mönö siŋgisöndokŋinaŋgö kösöŋi pösariga solanŋi (fri) malje. (Mewö mala solanŋi diŋdiŋi akingöra Köna keu wuatŋöbingö qahö kapaŋ kölakze.)

¹⁸ Mianğö dop urunini melenŋinga Kembugö asakmararaŋan körek neŋgö je mesoholnine kuŋguiga bilikbilik aliga jenini qahö esuhuinga ambazipnöŋ neŋgeka Anutugö aködamunŋi qetpuk mi piliknöŋ uba ehökö tandök ehakze. Nini mi qarim sehiba ehakŋeaŋgö dop letorakin. Mewö letota aködamunŋi qetpuk mi qariba asariba Kembugö tandöktandök ahakin. Kembunöŋ Uŋaya akzawi, yaŋgö asakmararaŋan mönö mewö mem letot neŋgimakza. Mewö.

* **3:16:** Eks 34.34

4

Nini kouranjen ewö ahinga Uña Töröñan ölni akza.

¹ Anutunöñ ak kömum neñgiyöhanğö dop nup ki qaknine ali memakzini, mianğöra mönö böñ kininga uruninan qahö etma. Qahö! ² Neñön nup memegö köna tölapñi gamuñinambuk mi körek andö qein. Tilipqilip qahö aka Anutugö keuñi qahö möwöramğömakzinmö, keu ölni mi aukñeyök alakzin. Mewö Anutugö jemesoholñe ambazip uruölöwak möt neñgimeğöra kininga jim ölöwak keuninan asuhui körekñan keunöñ törörök jim neñgibingö osimakze.

³ Mewö ahakzinmö, inñini tosatñan kewö jimakze, “Polnöñ Ölöwak Buñani mi esuñambuk jimakza.” Mewö jibilenak ewö, esu mianñön könöp sianöñ gemei, mönö yengö uruñine ahöba mianğöra gwözöñniga qakömakze.

⁴ Kraistnöñ Anutugö imutñi akza. Kraistkö aködamunñi mi nanñi Ölöwak Buñanan indela asakñi ewö asarimakzapmö, yengö jeñinan ömuñ köli jipjap ahakza. Nalö kewöñe bölöñanğö Kem-buñi gölme dop galöm köl enğimakzawi, yañön urumelenğö kopa ambazip yengö mötmöt jeñini mem gömöliiga lañ malje. Mianğöra Ölöwak Buñagö asakñi ek asaribingö osimakze.

⁵ Nani qetbuñanan qarimapkö Buña keuñi qahö jim asarimakzalmö, eñön Kembu Jisös Kraistkö könañi möta jitñi tem kölmegöra uru kuñgum enğimakzal. Neñön Kembugö jitñi wuatangöba inñini welen qem enğimakzin. ⁶ *Könañi kewögöra welen qem enğimakzin: Anutunöñ mutuk kewö jim

* 4:6: Jen 1.3

kutuyök, “Asaknan mönö söñaup qeiga asarima.” Mewö jiyöhañön mönö Buñañangö asakñi ali urunini qeiga asariyök. Kraistnön ahakmemeñi aka meiga Anutugö asakmararajan jemesoholñe asarii ekeri, Anutunön nini miangö könañi möt kutubingöra kapañ kölakza. Asakñangö könañi jim sehibingöra aka asakñi mi neñgiyök.

⁷ Asakñan urunini qei asariinga mötkutukutu miangö bohonñi mi milyön kina onçita öngöngöñi akzapmö, silenini mi kourañen ewö amqeba julakza. Anutu asakñan mönö sile mewöñangö uruñe ahöza. Ambazipnön miangö könañi ekñegöra Anutunön areñi al neñgiyök. Dopkeu miangö könañi kewö: Kukösum önöñi qahö al neñgimakzawi, mi neñgöreñök öne asuhumakzawangö dop qahöpmö, Anutunön mönö miangö Tonji akza.

⁸ Eu emu likep likep miangöreñök lömböt könañi könañi qaknine öngöba qölölömbörim neñgigetka wahöjalij mörakzin. Mi mörakzinmö, töndup mienön qahö qözöjahöm neñgigetka erakzin. Nalö tosatñe juñ ewö wangömmje qaköba köna qahö miwikñaimakzinmö, töndup tötböröm qahö ahakzin.

⁹ Ambazipnön sesewerowero ak neñgimakzemö, Anutunön andö qahö neñgumakza. Ambazipnön mulungöm neñgimakzemö, töndup qahö ayuhumakzin. ¹⁰ Jisös qem kömugeri, miangö dop nini mewöñanök buñañi jim sehimakzinañgöra aka neñguget kömumbinbukö möta anda kaba maljin. Jisösbuk mal köhöininga inahöm neñgimakzawi, ambazipnön miangö könañi möt kutumegöra aka mewö malbingö urumohot akzin.

11 Gölmenöŋ jebuk mala Jisösgö nupŋi memakzinaŋgöra aka nalö dop kömumbingö dop akzin. Sileninan kömumawaŋgö dop akzapmö, Jisösnöŋ urunine mal köhöiba silenini mem gulimakzawi, ambazipnöŋ mianŋgö ölni ek asarimegöra aka kinjin. ¹²Nini nalö dop sihimbölö möta kömumbingö dop ahakzinmö, nöŋön enŋö sutŋine nup memba malali, enŋön mianŋgöra aka guliba malmal köhöikŋe aŋgota mal öŋgöme.

¹³ *Sumbara (Sam) kunöŋ keu kewö ohoget ahöza, “Anutu möt nariba kömupnöhök meköm niŋgimapkö köuluköba malal.” Neŋön keu mianŋgö dop kömupnöhök meköm neŋgimapkö möt narizin. Mötnaripkö Uŋa Töröŋi miyök buŋa qem aŋguzinaŋgöra neŋön mönö mewöyök keunini jiba köulukömakzin. ¹⁴ Anutunöŋ Kembu Jisös mem gulii kömupnöhök wahöröhi, yaŋön mönö nini mewöyök mem gulim neŋgii wahöta Jisösbuk öŋgöinga jemesoholŋe al neŋgii embuk mohotŋe mal öŋgöbin. Mi mötzinaŋgöra aka keunini jiba köulukömakzin.

¹⁵ Keunini jiba köuluköinga Anutugö kalem möriamŋan toroqeba ambazip sehisehiŋi dop köl enŋima. Mewö aiga yeŋön amqeba Anutu kelenmaleleŋ möpöseigetka qetbuŋaŋan sehimakza. Enŋön mewöyök Anutu möpöseim sehimegöra mötzal. Mianŋgöra lömböt könaŋi könaŋi bisiba aum-möriba maljin.

Mötnarip malmalŋaŋgö tandök mi kewö:

¹⁶ Nini mem gulim neŋgimapkö möta mönö böŋ qeba kininga uruninan qahö etma. Ölna silenini

* **4:13:** Sum 116.10

ewö waziba soholimakzinmö, mi töndup urunini ewö nalö dop kölönaimakzin. ¹⁷ Mi kewögöra: Gölmenöñ kahasililin nalö töröptökñi möta malbinmö, mianğö andöñe asakmararañ önöñi qahö miwikñaiba teteköñi qahö oyaenkyoaen malbin. Asakmararañ aka kahasililin yahöt mi kewöt etkiinga asakmararañ mianğon mönö öngöngöñi aiga gölmegö kahasililin könañi könañi mi möringa awamñi aka eretñi akza.

¹⁸ Ambazip aka öröyuai jenöñ ehekñi mi nalöñini teköi ayapkömömö, Suep mirigö öröyuaiñi nalö kewöñe qahö ehakzini, mienğon mönö nalö teteköñi qahö ahöm öngöme. Mianğöra neñon jeninan ehekñi mia qahöpmö, qahö ehekñi mönö mienğoreñ göröken uba engehakzin. Mewö.

5

Polnöñ Suepkö oyaenkyoaen koumnöñ anmamgö mörök.

¹ Neñon keu ki mötzin: Gölme silegö opo seri koumne malinga kömupnöñ mi köndeñniga etmawi, Anutunöñ nalö mianğoreñ silegö miri dölökñi nanjak meiga Suepnöñ ahömawi, mi buña qem nenggiiga mianğoreñ malbin. Silegö miri qainñi kun mi teteköñi qahö köhöikñi ahöm öngöma.

² Keu mi möta nalö sutne kianğoreñ letotpingö osongom köla Suep malmal mirinine öngöbingö möta awöweñgömakzin. ³ Suepnöñ öngöinga sile qainñi kunöñ löngöt nenggi tatpini, nalö mianğoreñ mönö uña sile meinga kunñan aukne qahö miwikñaim nenggima.

⁴ Gölme sile ki qekömegöra qahö mötzinmö, Suep malmal mirinine öngöba silenini dölökñi memingö awöweñgömakzin. Sile ki kömumawi, mi malmal köhöikñan gwahöri qahöwahiga Anutunöñ salupñe oyaenköyaen sileya neñgimapkö mötzin. Miañgöra nalö kewöñe seri koum kiangö uruñe mala urulömbötnini bisiba letotpingö osongom ahakzin. ⁵ Anutu nanñak Suep sile memingöra möta miwikñaim neñgiba Uña Töröñi urunine aliga oyaenköyaen akingö dangunuñi akza.

⁶ Miañgöra neñön mönö nalö dop ewebibininambuk saitñgit mal köhöiba kewö mörakzin: Sileninangö malmal koumnine ki malbini, nalö miañgö dop eu Suep malmal mirinine Kembu Jisösbuk qahö malbin. ⁷ Nalö kewöñe Suep mirigö öröyuaini qahö uba engehakzinmö, töndup mi möt nariba miañgö dop aka memba malinga nam köl neñgimakze. ⁸ Miañgöra ewebibininambuk köhöiba sileniningö malmal koumñi ki mosöttingö kapan köla mirinini ölni eu öngöba Kembubuk malbingö mötzin.

⁹ Miañgöra mirinine ki me eu malbini, neñön mönö urunini Kembu Jisös uruölöwak ak wañgibingöra jöhöba miañgöra köhöiba kapan kölakzin. ¹⁰ *Miañgö könani kewö: Körek neñön mönö Kraistkö keu jakene asuhubin. Gölmenöñ silebuk mala Kembugö jitsihitñi dopñe tem kölini me qötömötötañ ahini me önewat lañ malini, nanñak mönö keunini mi kewöta miañgö dop töwanini nanñök nanñök neñgii buña qem anğubin. Mewö.

* **5:10:** Rom 14.10

Ambazip Anutubuk urumohot akɲegö nupɲi memakzin.

¹¹ Kraistkö keu jakeɲe kinbini, neɲön mi möta Kembugö mötmötɲi oɲgitpinbuköra keɲgötnini mörakzin. Mi mötzinaɲgöra ambazip kōnanini sarakɲi mötmegöra kapaɲ kōla uru kuɲgum eɲgimakzin. Kōnaninan mönō Anutugö jeɲe aukɲe ahōza. Nōɲön tilipqilip azia qahö, eɲön mewöyök mi uruɲinan möt yakōmegöra möta jörömqöröm akzal.

¹² Mewö jiba nanini jim ölöwak keunini mötmegöra kunbuk qahö kapaɲ kōlakzalmö, kōnanini miyök jim asarim eɲgimangö mötzal. Inini mi möta ölop neɲgö silenini mi böhi takapulakaɲi yeɲgö jeɲine möpöseigetka dop kōlma. Yeɲön yuai eɲgö uruɲine ahōzawi, miaɲgöra qahöpmö, sileninaɲgö yuaiɲi jenöɲ ekingö dop akzawi, mönō miaɲgöra aiwelikōba nanɲini silenini memba öngöba keu laɲ jimakze. Miaɲgöra keuni ki jizal. Eɲön yeɲgö keuɲini gilipitɲi (ambetakɲi) mötzeɲgöra mönō neɲgö kōnanini jim asariba törörök melen eɲgime.

¹³ Eɲön nōɲgöra “Urusohop tandök ewö akza,” jiget ewö, nōɲön mönō Anutu nupɲaɲgöra aka urukönöp aka malal. Tosatɲan nōɲgöra kewö jize, “Urukönöpɲi qahöpmö, keuɲi ösöɲök jimakza,” Mewö jize ewö, mi mönō inini baukōm eɲgibingöra aka ahal. Miaɲgöra ölum eɲgubapuk.

¹⁴ Miaɲgö kōnaɲi kewö: Kraistnōɲ jöpakōm neɲgimazawi, miaɲön mönō kondota kuɲgum neɲgiiga nupɲi memakzin. Azi mohotnōɲ körek neɲgö salupnine neɲgö kömupnina kömuyök. Miaɲgöra siɲgisöndokninaɲgö likepɲi qahö melen

nenngiyökmö, körek nenngö singisöndoknini mosöri toroqeba köhömuñi qahö akzin. Keu mi möt asariba möt yaközini, Kraistkö urukalemñan mönö körek nini jölöngöba nupñi membingöra kuñgum nenngimakza.

¹⁵ Yañön mönö kewögöra körek nenngö salupnine kömuyök: Gölmenöñ jebuk maljini, nenñön mönö malmalnini toroqeba naninañgörök malbinbuk. Mewö qahöpmö, kun nenngöra aka kömumba wahöröhi, malmalnini mönö yañgöra tököba ala malbingöra kömuyök.

¹⁶ Miangöra urunini melenñini, nalö miangöreñök könahiba ambazip silesile qahö kewöt engizin. Ambazip kun gölmenöñ silikñangö dowök qahö möt kutum wañgizin. Mutuk Kraist kewöta möringa gölme azi töhön ahökmö, nalö kewöñe möt kutum wañgiinga Suepkö Amötqeqe Tonina akza. ¹⁷ Miangöra kunñan Kraistpuk qekötahöza ewö, yañön mönö ahuahu dölökñi ahuba döññi dölökñi akza. Malmal walñan ayapköiga malmal dölökñan mönö salupñe asuhum wañgiza.

¹⁸ Mewö maljapmö, yuai pakpak miangö kondotkondot Tonji mi Anutu. Yañön Kraist melaiiga töwanini qeba nenngömeiga Anutu nanñambuk urumohot akingö könañi möwölöhöyök. Köna mewö asuhuiga Anutunöñ nup nenngiiga nenñön ambazip Anutugö alaurupñi akñegöra jölöngöba kuñgum engimakzin.

¹⁹ Anutubuk urumohot akingö könañi kewö: Kraistnöñ eta gölmeñi gölmeñi nenngö töwanini qeiga dop köli Anutunöñ nenngömeiga alaurupñi ahin. Köna ongita mala korini, singisöndok miengö

keuḅini qahö oyoḅda mötmöriba likepḅi qahö melenḅ neḅgiyök. Anutugö alaurupḅi ahinga möt narim neḅgiba Kraistkö töwagöra aka Anutubuk urumohot akingö Buḅa keuḅi mi börönine alök.

²⁰ Mi aliga Kraistkö jitḅememeurupḅi akzin. Anutunöḅ keu saḅep al neḅgii miaḅgö dop ambazip uruḅini kuḅgum eḅgimakzin. Kraistkö jitḅi memba kapaḅ köla kewö qesim eḅgimakzin: Mönö Kraistkö töwaḅi buḅa qem aḅguba Anutugö alaurupḅi akḅe. ²¹ Anutunöḅ körek neḅgö siḅgisöndokninangö keuḅi jim teköba likepḅi melenḅda Kraist siḅgisöndok kun qahö ahöhaḅgö qakḅe ali öḅgöiga salupnine sihimbölö mörök. Kraistkö sihimbölöḅi miaḅgöra aka yaḅgörenḅ qekötahöinga Anutunöḅ ölöḅ keunini jim teköi solanibin. Mewö.

6

¹ Nini Anutu nanḅangö nup meme alaurupḅi akzinangöra aka uruḅini kewö kuḅguzin: Anutugö kalem möriamḅan omaḅi akapuköra mi mönö buḅa qem aḅguba malme. ²*Anutunöḅ keu kun kewö jii Buḅa Kimbinöḅ ahöza, “Gehorimangö nalönan kam kuḅguiga nöḅön köuluki möral. Amötqeḅe nalönan kam kuḅguiga miaḅgörenḅ bauköm gihial.”

Keu mewö ahöiga mötket! Nalö dölkiaḅön mönö Anutugö amötqeḅe nalöḅi akza. Anutunöḅ eḅgehorimangö möri nalöḅan kam kuḅguiga akkömükömuḅi mi mönö döлки buḅa qem aḅgume. Mewö.

Polnöḅ kahasililiḅ könaḅi könaḅi miwikiḅaiyök.

* 6:2: Ais 49.8

³ Neñon mönö kungö uruñan neñgöra aka bölii etpapuköra galömnini mem anğumakzin. Jim neñgigetka nupninan keuñambuk aka etpapuköra mewö ahakzin. ⁴ Anutugö nup meme ambazip ölop sorokñi akzini, ahakmeme pakpakninan mönö mi kondelakza. Kahasililin aka jañgauranga könañi könañi ak neñgigetka wahöjalin uruñe maljinmö, miangöreñ mönö mökösoñda kapan köla kin köhöimakzin.

⁵ *Ihilek wahiñambuknöñ neñguba kösö mirinji mirinji miangöreñ al neñgigetka malin. Karimñi karimñi asuhugetka miangö uruñe kömumbinbukö keñgötnini möta malin. Gaun guli aka nenegöra wösönini aliga malinmö, töndup silenini qeba nup memba malin.

⁶ Ahakmeme sarakñi wuatangöba Anutugö sihimñi möt asariba lömböt möta mökösoñda ambazip ala ak engimakzin. Uña Töröñan urunini kokolak qeiga sutñine geñmoñi qahö jöpaköm engiba maljin. ⁷ Keu ölnanök jiinga Anutugö kukösumñan bohon köl neñgiiga ahakmeme solanñangö timbi saiwañi meinga börö ölnine aka qaninine ahöiga kinjin. Mewö kinda likep Buña keu jim sehiba likep keu muneñi silenine algetka miangö likepñi jim mindiñgöba malin.

⁸ Qetbuña neñgigetka silenini qahö möpöseimakzin. Yom jiba gamu qem neñgigetka uruninan qahö erakza. Neñgöra kösohot ölopñi kösohot bölöñi mi lañ jimakze. Muneñ jiji ambazip ewö ak neñgimazemö, töndup keu ölnanök pakpak jimakzin.

* 6:5: Apo 16.23

⁹ Ambazipnönj könanini ölop möt kutumakzemö, töndup tosatñan nönöñgan aka nesampurek ak neñgimakze. Nalö tosatñe kömumbingö aka malinmö, töndup toroqeba jebuk maljin. Kegwek-kahasiliñ ewö neñguba malgetmö, töndup qahö kömuin. ¹⁰ Wösöbiriknönj neñguiga töndup nalö dop söñgaiba maljin. Wanapñi mala töndup ambazip gwötpuk hauköm enñiinga uruñinan pomñi ahakze. Gölmegö sukinapnini qahöpmö, töndup oyaenqoyaenq pakpak buña qem añguba pipsimbawon maljin.

¹¹ O Korint ambazip, neñön mönö uruninañgö nañguñi enğöra öröba keu kun qahö kölin geiga könanini aukñeyök jibiga mötze. ¹² Enñön neñgö urumötmötnini mötpepuköra mi qahö añgön kölakzinmö, neñön enğö uruñini mötpinbuköra mönö nanñinanök añgön köl añgumakze.

¹³ Nöñön urumötmötni enğibiga enñön mönö mianğö likepñi mewöyök törörök niñgime. Nöñön nahönböaturupni ewö tandök keu enğöra kewö jiba ohozal: Inñini mewöyök mönö nanñini uruñinañgö nañguñi öröba urukalemñini mi sehiba kondel neñgime. Mewö.

Mötnariññini qahö yembuk kude qekötahöme.

¹⁴ Ambazip uruñini qahö melenğeri, yembuk mönö uruñini kude jöhöba* örörönj kude malme. Malmal solanñi aka malmal gonğonñi mi nanñök nanñök akzahot. Mi mindirim etkibingö osibin. Söñaup aka asakñi mi mohotñe qahö

* **6:14:** Könjönj me mötöp (yoke) mi hos me bulkamau yahötkö imbiñire alget geiga kare me kinonj yuai örömakzahot. Mewö nanñiri imbi-imbi akitkö osimakzahot. Mewö janjuñ anbanbuk.

akzahot. Qahö! ¹⁵ Kraist aka Katakömulat (Satan) yetkön mönö urumohot aka mohotje malbitkö osimahot. Miangöra urumelen ambazip kunjan ahakmemeni urumelenö kopa ambazip kun yambuk mohotje mindiriba akitkö osimakjahot.

¹⁶ *Anutu nanjak keuji kun kewö jii ahöza,
 “Nöñön könagesöni yengö urujine mala sutjine
 anda kaba Kembunini ak engibiga yejön
 nöngö weleni qeba möpöseim niñgiba
 malme.”

Keu miangö dop Anutugö Uñanan urujine maliga sileninan Anutu malmal köhöikni Tonangö jikenj akza. Anutunöñ nanji jöwöwöl jikenje tandö lop-ion möpöseibingö songo ali ahöi osimakzin. Anutugö jikenj aka asa jikenj mi inanjöök inanjöök. Miangö dop neñön urumelenö kopa ambazip yembuk qekötahöbingö songo ali ahöi osimakzin.

¹⁷ Miangöra injini mönö Kembunöñ keu kewö jiyöhanö dop akje,
 “I mönö engömosöta yaigep kaba kambu nanji kun
 malme.

Angöjörakñinambuk ahakzei, mi mönö kude engoseigetka nöñön möt angön köla köyan köl engiba malmam.

¹⁸ Nöñön mönö Iwiñini akiga injini nöngö nahönböraturopni aka malme.

Kembu kukösum pakpakö Tonjan mewö jiza.”
 Mewö.

7

1 O wölböt alaurupni, Anutunöñ mönö köyan

* **6:16:** Lew 26.12; Eze 37.27; 1 Kor 3.16; 6.19; Ais 52.11; 2 Sml 7.14; 1 Hist 17.13; Ais 43.6; Jer 31.9

köl neŋgimangö keuŋi mewö jöhöm neŋgii ahöza. Miaŋgöra yuai sile uŋanini mem tölöhozawi, neŋön mönö mi körek qeköbingöra Kraist köuluköinga amöt qem neŋgima. Anutugö jitŋi oŋgitpinbuköra mönö keŋgötnini möta kapan kölinga mem solanim neŋgiiga sarakŋi ak teköbin. Mewö.

Uruŋini meleŋgeraŋgöra Polnöŋ uruölöwak mörök.

² Neŋön kun qahö mem bölim waŋgiinga ayuhuyök. Kun qahö geŋmororoŋ ak waŋgiin. Miaŋgöra eŋön mönö uruŋinaŋgö naŋguŋi öröba nini urunöŋ jöhöm neŋgiba malme. ³ Tosatŋan sutŋine nup memba silenöŋ alal keu mewö jiba jim neŋgigetmö, nöŋön keu mi eŋgö keuŋini jim teköba likepŋi meleŋ eŋgimangöra aka qahö jizal. Nöŋön lök keu kewö jibi mötket: Neŋön uruninaŋgö naŋguŋi öröba iŋini uruninan jöhöm eŋgimakzin. Mewö aka ölop embuk öröröŋ jöhöba kömumbin aka öröröŋ mal köhöbin.

⁴ Eŋgö uruyahöt qahö mötnaripni ketanŋi eŋgiba maljal. Eŋgö silenŋini mönö gwötpuk möpöseimakzal. Eŋgöra aka urukölalepni ketanŋi miwikŋaizalaŋgöra kahasililiŋ könaŋi könaŋi möta miaŋgöreŋ mönö töndup önöŋi qahö söŋgaizal.

Masedonia prowinsnöŋ anda Taitusbuk aitoŋgöit.

⁵ *Taitus jaruba malalaŋgöra* jiali, keu mi toroqeba jimam. Masedonia prowinsnöŋ kaŋgota miaŋgöreŋ mönö mewöyök uruluai miwikŋaimangö osial. Denike denike anali, miaŋgöreŋ mönö köŋjiliŋ könaŋi könaŋi

* 7:5: 2 Kor 2.13 * 7:5: 2 Kor 2.13 miaŋgöreŋ Taitusgöra jiyök.

miwikñai. Anutugö bim qeba tosatñi yembuk anjururuk aka engöra waimanjat möta malal. ⁶ Mewö malalmö, Anutunöñ urueret ambazip nangöm nençimakzawi, yañön mönö Taitus kayöhi, mianñön urukölalep ak niñgiyök.

⁷ Taitusnöñ kayöhi, mianñönök qahöpmö, Korint enñön urukölalep ak wançigetka yañön jii mötpiga Anutunöñ mianñön mewöyök urukölalep ak niñgiyök. Engö kösohotñini kewö jiyök, “Enñön ni nekingö köpösöngöba kinje. Wösöñini ölna möt niñgiba lömböt niñgigerançö keunji jiba nöngö likepne nangöba jibingö jöjörömakze.” Kösohot mi jii möta urusösöngai keta bölökñi möral.

⁸ Nöñön uruñini Buña keunöñ kuñguba kimbi mi ohobi oyoñda nanñini möt bölim ançugeri, miançöra qahö möt bölim ançuzal. Mutuk möt bölim ançuyali, mi töndup nalö kewöñe kewögöra kunbuk söñgaizal: Kimbi keunan uruñini mem bölü wösöbirik aketmö, wösöbirik mianñön mönö melença nalö töröptökñanök ahöba teköyök. Könañini mewö ehal.

⁹ Nalö kewöñe iñini möt bölim ançugerançöra aka qahö söñgaizalmö, kewögöra söñgaizal: Iñini ahakmemenjanançöra aka möt bölim ançugетка gamu wösöbirikñinan bauköm ençiiga uruñini kunbuk melença diñçiget. Mi Anutugö jitañançö dop asuhiiga uruñinan mönö nençöra aka qahö bölüyökmö, ölna bauköm ençial.

¹⁰ Siñçisöndökñinançöra aka möt bölim ançuzin ewö, gamu wösöbirik mianñön mönö bauköm nençiiga urunini kunbuk melença diñçibin. Diñçibinançöreñ Anutunöñ mönö nençuançiri

Suepnöŋ öngöbin. Mianğöra kunŋan uruŋi melenđa mianğöra qahö möt bölim aŋguma. Gölme ambazip tosatŋan siŋgisöndokŋinaŋgö wösöbirik mörazzemö, Anutunöŋ mi mosötmapkö qahö qesime ewö, yaŋön mönö likepŋi melenj enjiiga kömum köhöime.

¹¹ Eŋön Anutugö sihimŋaŋgö dop wösöbirik aketka gamu mianğö ölnjan uruŋine ahui letotkeri, mi kewöta ek welipköba kewö jime, “Nini gönmönahotnini mosöta urunini tokoba urukönöp qakŋe wahöta könanini sohosohoŋi kewöta mindiŋöin. Ambazip siŋgisöndok akeri, mienğöra uruninan wahöri sisit memba jim enjiin. Anutugö jitŋi oŋgitpinbuköra auruba keŋgötnini möta Polnöŋ kaba uru melenjinaŋgö ölni ekŋapkö köpösöŋgöba malin. Urunini ahakmeme diŋdiŋi akingöra alin aka kunöŋ köna qiwitipköyöhi, mi mindiŋöm waŋgibingö jöjöröba malin.” Mewö jigetka dop kölma. Nalö kewöŋe köna diŋdiŋi wuatangözei, mi kondel niŋgigetka ehal.

¹² Mianğöra kunŋan sutŋine böliyöhi, iyök mindiŋöm waŋgimegöra aka kimbini qahö ohoyal me kun i mem bölim waŋgiyöhi, iyök bauköm enjimegöra kimbi mi qahö ohoba alal. Mi kewögöra ohoyal: Inini Anutugö jemesoholŋe nömbuk urumohot akingö kapan kölakzei, silik mianön mönö aukŋe asuhumapköra kimbi mi ohoyal.

¹³ Nani urukölalepni miyök qahö mötzalmö, Taitusgö uruŋan sutŋine ölöwahi ehinga mianön mewöyök uruni naŋgöi önöŋi qahö söŋgaimakzal. Eŋön körekŋanök Taitus körö-ölöwak qem waŋgigerangöra söŋgaimakzawi, sö söŋgai mianön mönö mewöyök naŋgöm köl niŋgii mianğöra önöŋi

qahö söngaizal. ¹⁴ Nöñön silikñinanğöra silenini Taitusgö jeñe möpöseiba malali, enñon mianğöra gamu qahö niñgiget. Nöñön enğö sutñine mala keu pakpak jibi mötkeri, mi ölñanök jial. Mianğö dop enğö keuñini Taitusgö jeñe jim möpöseiba malali, keu mianñon mönö mewöñanök könanini mindinğögetka ölñi ahök.

¹⁵ Inini körek pakpak mönö nöñgö keuni tem köla Taitusnöñ kaiga sömbuñinambuk möta jönömñini undui köl öröm wanğiget. Taitusnöñ silikñini mi mötmöriba keu jiiga uru ölöwakñan enğöra aka qariga köhöiba möpöseim enğimakza. ¹⁶ Nöñön ahakmemeñini pakpak mötmöriba mianğöreñ mönö ölöp enğöra aka ewebibinambuk möt köhöiba saitingit malmam. Mianğöra söngaimakzal. Mewö.

8

Urumelen alaurup nanğöm enğibingö keuñi

¹ *O urumelen alaurupni, Anutunöñ kalem möriamñi urumelen könagesöñi könagesöñi mianğöreñ nenñii ölñan mönö Masedonia prowins uruñe ölöpñanök asuhuyök. Nöñön inini mianğöra gukmaulem malbepuköra möta kösohotñi kewö jimam: ² Yenñon kahasililij miwikñaiba mötketka lömbötñambuk esapköm enñiiga wanapñi kötökñi maljemö, mi töndup önöñi qahö söngaigeranğöra aka urumelen alaurup nanğöm enğibingöra monen naluk keta bölökñi alget.

³ Yenğö könanini kewö nanğöba jimam: Kunñan qahö kuñgum enñii nanñini sihimñinan töndup

* **8:1:** Rom 15.26; Eks 16.18

ahuiga amqeba ösumñinanğö dop nalukñini alget aka mi tok oñgita engiget. ⁴ Yeñön mönö kapañ köla gwötpuk kuñgum neñgiba kewö uleta jiget, “Nini tok Judia prowinsgö ambazip sarakñi bauköm engibingö mötzin. Mianğöra Pol, gi ölop Oñ! jinönga mönö simbawoñ möta nup mianğö bahöñi amqeba membin.”

⁵ Mewö jiget jibiga naluk almegö mambörali, mianğö dowök qahöpmö, mi oñgita kewö aket: Yeñön mutuk nañğönağö Kembugö jeñe dop köljawi, mi akingöra uruñini jöhöget aka mianğö andöñe Anutugö jitñi tem kölbingö möta nanñini malmalñini mi mewöyök neñgö börönine alget. ⁶ Mianğöra Taitus kewö jim kutum wañgial, “Gi mönö nañğönağö nup mi lök könahiba menöñ. Mianğöra mi mönö toroqeba Korint könagesö bauköm enjinönga urukalemñini kondela monen naluk ketañi mi kunbuk toroqeba algetka sutñine teköma.”

⁷ Urugö yuai könañi könañi mi kelenmalelen buña qem aquba kewö aka malje: Ölopñanök Kraist möt nariba Buña keu ölni jim soroköba Anutugö sihimñi möt kutuba tosatñi nañgöm engibingö pöndañ köpösöngömakze. Eñön mönö tosatñi enğonğita ölopñanök jöpaköm neñgiba qetpuk akze. Mianğö dop nañğönağö nup ki mewöyök mönö ölop mem soroköba tosatñi enğonğitketka qetpuk akña.

⁸ Mewö jiba monen almegöra qahö jim kutum enğizal. Mi qahöpmö, urukalemñini geñmoñambuk akza me qahöwi, mönö mi esapesapnöñ ala könañini mötmangö mötzal. Könagesö tosatñan gönmönahot mosöta nañğönağö nupñini öl

töhönŋa memba zeŋ kinjei, keu mi jiba mianŋön iŋini esapköm enŋizal.

⁹ Naluk dawik almegöra kewötmei, mianŋören mönö Kembunini Jisös Kraistkö kōnaŋaŋgō tandōkŋi mötmörime. Iŋini yaŋgō kalem möriamŋi ketanŋi mi kewō mötze: Yaŋön Suepkō öröyuai pakpakō Tonŋi öŋgöŋgōŋi ahökmō, tōndup iŋini oyaenŋkoyaenŋō pomŋi akŋegöra aka gölmenōŋ eta etqeŋeŋi aka malmalŋi tōkōba mosörök.

¹⁰ Monenŋ almegöra qahō jim kutum enŋizalmō, Jisösnōŋ söpsöp alōhi, mianŋō dop qambaŋŋi miyök enŋizal. Enŋön yambu emune lōk naŋgōnaŋgōgō mutukŋi aka mianŋō nupŋi kapaŋ kōla meget aka mi toroqeba membingō sihimŋi kōhöikŋi mötket.

¹¹ Nalō kewōŋe nupŋini mi mönō mem tekōme. Mutuk naŋgōnaŋgō nup membingō kapaŋ kōla awōweŋgōgeri, mianŋō dop mi mönō toroqeba mem tekōme. Yuai ahöm enŋizawaŋgō dop mönō nalukŋini gwōtpuk alme. ¹² Mianŋō kōnaŋi kewō: Naluk albingō sihimŋinan ahuba ahōza ewō, mönō yuai ahöm enŋizawaŋgō dop algetka Anutunōŋ möt anŋön kōli dop kōlja. Yuai qahō ahöm enŋizawaŋgō dop mönō qahō kewōta jim enŋimakza.

¹³ Naluk ketanŋi algetka alaurup yeŋgō malmalŋinan amqeiga nanŋini qakŋine lömböt öŋgōmapkōra qahō mötzinmō, alaurup osiba mözörōŋgōzei, yembuk mendenŋa örörōŋ malbingöra mötzin.

¹⁴ Mianŋöra nalō kewōŋe yuai kelenmalelen ahöm enŋiiga tosatŋan malmalŋinaŋgō yuaigöra osizei, iŋini mönō mi baukōm enŋigetka dopŋe akŋa. Mewō aka nanŋini kōnaŋgep yuaigō osigetka

yeŋgö öröyuainjanan kelenmalelen ahömawi, nalö mianğoreŋ mönö i kun bauköm engime. Mewö ak anğugetka alabauk silikŋinan öröröŋ akŋa. ¹⁵ Mi Buŋa keu ki ohoget ahözawaŋgö dop akŋa, “Gwötpuk mem tokoba malgeraŋön nanŋini dop negetka numbu surukŋini qahö ahöiga boromborom mem tokoba malgeraŋön nene yuaigöra qahö osiget.” Mewö.

Neŋakurup karöbut melaim engiinga kaba bauköm engime.

¹⁶ Anutunöŋ Taitusgö uruŋi sölölöhöiga engöra ni ewö waimanjat möta bauköm engimamgö kapaŋ köla malja. Mianğöra “Anutu saiwap!” jizal. ¹⁷ Nöŋön Taitus engöreŋ kamapkö qesiba uruŋi kuŋgubiga imbiŋi melenök. Miyök qahöpmö, nanŋak iŋini bauköm engimamgö möta köpösöŋgöba nanŋi sihimŋaŋgö dop neŋgömosöta Korint engöreŋ kamamgö jiyök. ¹⁸ Neŋön urumelen alanini kun melaininga yambuk kamahot. Kiaŋgöreŋ Ölöwak Buŋa jim sehimakzawaŋgöra i mönö urumelen könagesö dop möpöseim waŋgimakze.

¹⁹ Yaŋgö keuŋi toroqeba kewö jimam: Masedonia urumelen könagesö yeŋön mönö i möwölöhögetka naŋgönaŋgö nalukŋi mi memba nembuk mohotŋe köna anbin. Neŋön Kembu nanŋaŋgö qetbuŋaŋan sehimapköra möta naluk ketanŋi mi ölöp galöm köla Judia prowinsnöŋ anda engibin. Alabauk engibingö urukalemnini mewö aukŋe kondeljin.

²⁰ Mewö aka naŋgönaŋgö naluk ketanŋi mi tilipqilip asuhui sohobapuköra ölöp galöm

köl soroköbin. Kunŋan siliknini mianğöra jim neŋgibapukö möta kapan köla kinjin. ²¹ *Keu mianğö könaŋi kewö: Neŋön silik Kembangö jeŋe diŋdiŋi akzawi, mi qötöŋgatpinbukö galöm mem aŋgumakzin. Miyök qahöpmö, silik ambazip jeŋine dop köljawı, mi mewöyök akingö möta kapan köljin.

²² Yetpuk urumelen alanini kun mi mewöyök melaininga kama. I nalö gwötpuk esapköm waŋgiba tandökŋi kewö ehin: Yaŋön mönö nalöŋi nalöŋi Kembangö nupŋi memamgö könöpkönöp ahakza. Nalö kewöŋe iŋini tosatŋi alabauk eŋgibingö mötzei, mewö möt narim eŋgizawaŋgöra mönö eŋgöreŋ kaba bauköm eŋgimamgö möta urukönöp ketanŋi ahakza.

²³ Nöŋön Taitus kewögöra möwölöhöyal: Yaŋön nöŋgö alabaukni aka nup meme neŋakni akza. Urumelen könağesöŋi könağesöŋi yeŋön alayahötnini yahöt mi möwölöhöm etkigetka jitŋememeni akzahot. Kraistkö qetbuŋaŋan mönö yetköra aka qarimakza. ²⁴ Mianğöra azi karöbut mi kamei, i mönö urukalem ak eŋgiba könaŋini mewö kondelgetka ekŋe. Mewö akŋe ewö, neŋön silikŋinaŋgöra silenini möpöseinini, keu mianğö ölŋan mönö aukŋe asuhuiga eketka urumelen könağesö gwötpuk yeŋön mötme. Mewö.

9

Mönö urumelen alaurupŋini bauköm eŋgime.

¹ Anutugö ambazip sarakŋi alabauk monen eŋgimegöra ohomamgö mötzalmö, iŋini keu mi lök möta mianğöra qahö osize. ² Iŋini alabauk

* **8:21:** Qam 3.4

akingö sihimñinan ahui mötze. Nöñön mi möta engö silenini mi mianğöra Masedonia urumelen ambazip yengö jeñine möpöseiba kewö jial, “Korint aka Akaia urumelen alaurup tosatñan mönö yambu emuneyök könahiba Judia alabauk ak engibingö jöjöröba malje.” Mewö jibiga engö urukönöpñinağöra mötketka keu mianñon mönö kuñgum engiyök. Mianğöra könagesö ölni yengö uruñinan mönö amqeba alabauk akingö urukönöp aket.

³ Engö sihimñinan ahui mötzemö, töndup neñakurupni karöbut ki melaim engizal. “Korint yeñon mönö moneñ tokobingöra jöjöröba malje,” mewö jial aka keu mianğöra engö silenini möpöseial. Keu mianñon omani aiga gwötpukñan ekepukmö, keuñinağö dop moneñ ölna algetka kahaimök tari körekñan mewö engekñegöra mötzal.

⁴ Keu mianñon omani aiga moneñinan qahö kahaimök tari öne malgetka Masedonia neñakurup tosatñan nömbuk kaba mewö miwikñaim engibeak ewö, nöñön mönö engöra aka gamu miwikñabilenbuk. Tem kölmegö möt narim engiba malbiga ölni qahö asuhubawak ewö, inini mönö mewöñanök keuñini omanağöra aka gamu miwikñabepuk.

⁵ Mianğöra urumelen alaurupnini karöbut mi uru kuñgum engimangö mötpi dop köli kewö jial, “Inini mönö qeljine Korint yengöreñ anda nağönağö naluk ketani almegö keu jöhögeri, areñ mi wuatangöba al tekömegöra mönö kuñgum engime. Mewö aketka alabauk nalukñini mi kik-kukñambuk ekbonep qakne qahöpmö, mönö sakalakñi aka amqeba gwötpuk alme. Mi

mindirigetka zioz köwenöŋ kahaimök tari kabiga ölop membin.” Mewö jial.

Kötŋi mönö amqeba gwötpuk qesiŋda gilme.

⁶ Keu ki mönö mötmöriba malme: Nene kötŋi awamŋanök qesiŋda giljawanön mönö ölni mewöyök awamŋanök mema. Nene kötŋi gwötpuk qesiŋda giljawanön mönö ölni mewöyök gwötpuk mema. Mianğora gwötpuk algetka Anutunöŋ salupŋe gwötpuk engima. ⁷ Inini nanŋök nanŋök nalukŋini mönö uruŋinan jöhögeraŋgö dop alakŋe. Sösöŋgainöŋ amqeba mözöközöröŋ ambazip kalem engizei, Anutunöŋ mönö i jöpaköm engimakza. Mianğora nalukŋini kunŋan kuŋgum engizawaŋgöra aka uruyahöt qakŋe kude alme. Mi kik-kukŋinambuk kude alme.

⁸ Uruawam qakŋe kötönŋini gwötpuk algetka Anutunöŋ mönö köhöiba kalem möriamŋi pakpak mem sehim engimakŋa. Mewö engiiga malmal pakpak mianğoreŋ yuaigöra osimei, mi pakpak mönö nalö dop buŋa qem anğugetka dop köl engimakŋa. Mewö aiga nup ölopŋi könani könani mi ölop megetka ölni kelenmaleleŋ asuhuma. ⁹ *Ekbonep mosöta naluk ketaŋi ketaŋi alakzei, mi Buŋa Kimbi keu ki ohoget ahözawaŋgö dop akze,

“Yaŋön amqeba kalemŋi kalemŋi mendenŋa ambazip wanapŋi engimakza.

Ahakmemenŋi diŋdiŋi kik-kukŋi qahö mianön mönö nalö teteköŋi qahö Anutugö jeŋe ahöm öŋgöma.”

¹⁰ *Anutunöŋ qesiŋ gilgil azigöra nene kötŋi waŋgiiga nene asuhui nemakzini, yaŋön mönö

* **9:9:** Sum 112.9 * **9:10:** Ais 55.10

nenegö mözöközöröŋ ahakŋei, mi mewöyök engimakŋa. Mi engii uruŋinan lolohoiga ölop amqeba keu kötni qesiŋ sehiba gilgetka ahakmeme solanŋaŋgö ölni asuhui Anutunöŋ mi mem qarrii sehimakŋa. ¹¹ Mewö aketka Anutunöŋ mönö malmal pakpak miangören sehiba kötuetköm engiiga ölöwahakŋe. Mewö ölop amqeba ambazip nalö dop geŋmoŋi qahö kalem gwötpuk engimakŋe. Mewö aketka mi memba (Jerusalem anda) engiinga ambazip gwötpukŋan kötönŋinaŋgöra aka Anutu möpöseigetka ölni engören asuhumakŋa.

¹² Naŋgönaŋgö nup ki memakŋei, mianön mönö Anutugö ambazip sarakŋan yuaigöra mözöközöröŋ aketka bauköm engimakŋa. Miyök qahöpmö, miangöra “Anutu saiwap!” keu mi gwötpuk jimegöra aka ölni engören asuhumakŋa.

¹³ Miangö könaŋi kewö: Naŋgönaŋgö nup ki memba mewö mianön mötnariŋinaŋgö könaŋi kondelgetka ambazip gwötpukŋan mi eka Anutu tem kölmeanŋgöra möpöseim waŋgiba kewö jime, “Korint yeŋön mönö Kraistkö Ölöwak Buŋaŋi keunöhök qahö jim miwikŋaizemö, Polgö keuŋi geŋmoŋi qahö tem köla amqeba sakalakŋi aka neŋgöra aka tosatŋi pakpak yeŋgöra kalem jesöŋgö engimakze.”

¹⁴ Mewö jiba engöra köuluköba miangören waikŋini gwötpuk mem engiba kewö jime, “Ia! Anutunöŋ mönö kalem möriamŋi kelenmalelen Korint engiiga urukalemŋinaŋgö ölni gwötpuk neŋgiget.” Mewö jigetka Anutugö kalemŋan aukŋe asuhuma. ¹⁵ O nini Anutu kalemŋaŋgöra aka

möpöseimakin. Yangö kalemñi Jisös Kraistnöñ mönö qetpuk sorok akza. Nanğönağgö almeağgö keuñi mi mewö kaba teköza.

10

Polgö nupköra keu jigetka likepñi meleñök.

¹ Tosatñan engö sutñine nöngöra kewö jimakze: Mesohol köl aņguba köhöikñi tandök qahö akzapmö, kungen anda miaņgöreñ mönö keu köhöikñanök jim neņgimakza. Mewö jimakzemö, Kraistnöñ ak kömumba guņbönjönjönñi neņgimakzawi, nöñön mönö miaņgö qakñe nanak uruñini kewögöra kuņgumam:

² Tosatñi mienñön neņgöra kewö tandök mötmöriba jimakze, “Pol aka yangö neņakurupñi yeñön gölmegö ahakmeme tandök wuatangöba nanñinaņgöra mötmöriba ahakze.” Nöñön engöreñ kaba keu mewö jimakzei, i mönö tembul engiba awösamkakak kinda jim engimamgö mötzalmö, töndup uruñini köhöikñi kötökñi kuņguba jim engimamgö töközal. Miaņgöra iñini ambazip nöngöra keu mewö jimakzei, i mönö zilañ andö engume. Keuñini mewö mindiņgögetka eņgeki urunan mönö luai qei sutñine kaba böñjönñi malmam.

³ Ölña, ahakmemeni gölmenöñ ahakzalmö, mi töndup nanaņgöra aka gölmegö ahakmeme bölöñağgö dop bim qahö qemakzal. Mewö qahöpmö, Anutugö suahö galöm aka kerökurupñi kiripo kuņgum engiba miaņgöreñ areñ sarakñi wuatangöba bim qemakzal. ⁴ Göłme ambazip uruñini walñağgö dop bimgö yuaini pakpak

miambuk bim qemakzin. Yarö azi yeñön jakömbuak ain selji selji eriba köndengetka erakzemö, Anutunöñ timbi saiwañi kukñinambuk neñgii inahöm neñgigetka mianjön mönö kerök yeñgö keu areñini pöwöwöm köhöikñi kuñguba qeapköinga erakze.

⁵ Urumelenjö kopa yeñön Anutugö könañi möt kutubepuköra aka nanñini silenini memba öngöba mötmötñini közamböta liklak ahakzemö, neñön yeñgö kiripo areñini gonjonji pakpak mi qeapköba köndenninga erakze. Ambazipnöñ keu mötmötñini bölöñi meraköba jöhömegöra köna kondel enginga ölop keuñini pakpak Kraist tem köl wangimakingö dop mötmörimakñe.

⁶ Mewö mötmöriba Korint inini mutuk Kraistkö keu pakpak tem köla aposol nupni nanjögömegöra mambötzin. Inini uruñini mewö kunbuk melengetkun nini mönö qegetal ambazip yeñgö keuñini pakpak kewöta jim teköba likepñi melenj enjibingö jöjöröba maljin. Mewö.

⁷ Inini yuai pakpak mönö silegörök kude eka kewötme. Sutñine ahakmeme sohomakzawi, mianjö könañi ölni mönö mötmörime. Tosatñan sutñine ni memba et ala nanñini Kraistkö jitñememeurupñi akzeangöra uruyahöt qahö aka möt köhöize ewö, yeñön mönö toroqeba nöngöra mewöyök kewö mötmörime: Yeñön Kraistkö buñaji akzei, nöñön mönö mewöyök Kraistkö buñaya akzal.

⁸ Kembunöñ kewögöra kukösum niñgiyök: Inini mem et al enjimangöra qahöpmö, mönö uruñini möhamgöbi köhöimegöra aka maljal. Mianjöra kukösum mianjöra aiweliköba konjaen ewö sileni

memba öngöba terereibileṅak ewö, mi töndup mönö gamu kun qahö miwikṅaibileṅak. ⁹ Kimbiṅi kimbiṅi ohoba albi oyoṅda kukösumni mötketka keṅgöt mötmöt mem eṅgibileṅbuk. Miangöra keu mi nalö kewöṅe qahö toroqeba jimam. Mewö.

¹⁰ Tosatṅan keu kewö jimakze: Polnöṅ kimbiṅi miangöreṅ mönö keu lömbötṅambuk ohoba uruṅini ölna kuṅgumakzapmö, sutnine kini ehinga azi löwötṅi akza aka keuṅi jii möringa qetpuk qahö akza. ¹¹ Nöṅön keu miangö likeṅṅi kewö jimam: Keuṅini omaṅi mönö mosöta nöṅgö könanangöra kewö mötmörime: Ni kungen anda kimbinöṅ keuni köhöikṅi ohomakzali, miangö dop mönö sutṅine mala mewöyök köhöikṅanök mindiṅgöm eṅgimam.

¹² Timbiqimibilim mienöṅ nanṅini jim ölöwak ak aṅgumakzemö, ölna ni noṅgita aposol qetpuk akeak ewö, nöṅön mönö gamuni mötpileṅak. Mewö aiga nani aka eṅgö silikṅini likeplikep ala kewötmangö qötötangöba kölköldömdöm akileṅakmö, yeṅön mönö mötmötṅini töröpṅi wuatangöba nanṅini imbiṅinaṅgö dop uruṅini dop ala kewörakze. Ahakmemeṅini mewö laṅ kewöta “Pol oṅgitzin,” jiba uruölöwak mörakze. Keu omaṅi mewö jiba uruqahö akze. Anutugö dopnöṅ kewöt niṅgigetka ölop eṅgoṅgita maljal.

¹³ Anutunöṅ nup memegö jaböṅi al niṅgiyöhi, mi qahö oṅgita sileni gwötpuk möpöseimangöra qahö mötzal. Anutunöṅ nup meme areṅni al niṅgii memakzali, miangö dop mönö eṅgö sutṅine mewöyök nup memakzal aka miangö ölnangörök mönö sileni möpöseimakzal.

14 Tosatɲan keu kewö jim sohomakze, “Polnön Korint sutɲine nup meyöhanğöra silenji möpöseiiga qahö dop kölja. Anutunön gölme mesinɲa nup memapkö jabö al wanğiyöhi, Polnön mi onğita laɲlaɲ walönmakza.” Yeɲön mutuhök nup sutɲine qahö megetmö, töndup ni mem et al niɲgiba nanɲini silenini keunöhök jiba möpöseimakze. Nönön Kraistkö Ölöwak Buɲa jim sehiba anda mala mutuk Korint engören kaba urugö nup meal. Mutuk qahö kabilenak ewö, timbiqimbilim böhi mienön nöngö keuni mewö jigetka dop köli nöngön nani könananğö könanji jiba jim sohobilenak.

15 Anutunön gölme mesinɲa nup memegö jabö al enğiyöhi, yeɲön selɲini mi walönɲa engö sutɲine kaba urugö nup memakze. Nanak selni qahö walönɲa tosatɲi yeɲgö sutɲine nup mealanğöra sileni qahö möpöseimakzal. Böhi tosatɲan urugö nup memba malgeri, mianğöra mewöyök sileni qahö möpöseimakzal. Engö sutɲine mutuk nup mealanğöra mewö akiga ölop dop kölja. Anutugö arenji wuatangöba sutɲine nup memba malinga mötnaripɲinan toroqeba qariiga nanğöm nengimegöra mamböta jörömqöröm akzal.

16 Nanğöm nengigetka ölop gölmenji gölmenji Korint likepɲine Not göröken ahözei, mönö enduyangören mewöyök anda Ölöwak Buɲa jim asaribin. Nupninan mewö qariiga andöqeçe keuninan teköma. Anutunön tosatɲi yeɲgö nup meme jabönini al enğii megetka ölnji lök asuhuyöhi, mianğöra nani sileni möpöseimamğöra qahö mötzal.

17 *Mewö qahöpmö, Buña keu kiangö dop akñangö mötzal, “Kunñan silenji möpöseimangö mötzawi, yañön mönö Kembugö nupkö ölnangöra aka silenji möpöseii dop kölma.”¹⁸ Keu miangö kõnañi kewö: Nannini jim ölöwak ak angumakzeañön mönö Anutugö jeñe qahö dop köljemö, Kembunöñ niñia jim ölöwak ak wañgimawi, yañön mönö esapesapnöñ köhöiba kinma. Mewö.

11

Aposol takapulakañi yeñön tilipköm engibepuk.

¹ Nöñön borom kun uruqahö keu qakñe silememe aki miangöra mönö kude möt lömbörime. Mi töndup ni kude andö nuñguze, mötzal. ² Nöñön inñini azi mohot Kraist yañgö buñañi aketka ambi seram jömukñi sarakñi ewö engibiga yañönök engömemapkö keuñi jiba jöhöyal. Miangöra Anutunöñ uruñan engöra aka mututqutut mörakzawi, nöñön mönö miangö dop tosatñan kelök keunöñ jiba engömeget bölibepüköra waimanjat mörakzal.

³ *Kewögöra waimanjat mörakzal: Mokolenöñ isimkakalek aiga Iwnöñ (Ewanöñ) böliyöhi, miangö dop timbiqimibilim yeñön mewö me mewö jiba tilipköba engömegetka uruñinan tölöhoiga janjuñ akepuk.

⁴ Miangö kõnañi kewö: Tosatñan kaba Jisös jim asariini, mi qahöpmö, Jisös murutñi kungö kõnañi jim sehiba malgetka yeñgöra qahö mötket lömböriza. Uña Töröñi buña qem angugeri, mi qahöpmö, öme kunöñ tosatñi engö uruñine gei

* **10:17:** Jer 9.24 * **11:3:** Jen 3.1-5, 13

lolonqalon mala miangöra töndup könjilin qahö mötze. Ölöwak Buña möt anğön kölgeri, mi qahöpmö, keu tandökni kun qetnanök Ölöwak Buña qeta laj jigetka tosatnan mi awamnanök möt anğön kölakze. Mewö asuhumakzawangöra mönö töndup waimanjat kun qahö akze.

⁵ Miangöra waimanjat mörakzalmö, ahakmemeni mewö me mewö kewötketka etqeqeni qahö akzal. Tosatnan aposol qet memba timbiqimibilim laj ahakzei, nöñön mönö yengö nembö bapnine qahöpmahöp maljal. ⁶Keu niñgizei, miangö likepni kewö jizal: Keu ölop sorokni jijigö tandökni mi ölop qahö mötzalmö, Buña keugö könanj mönö möt soroközal. Mi mönö nalö dop pöndañ aukne indelbiga möt yaköze.

⁷ Injini mem wahöt engimamgö möta nani mem et al anğuba malmalni nangömamgöra nup memba malal. Miangöra Anutugö Ölöwak Buña mi engöra söngöröni qahö jim asarim engiba malal. Mewö aka malalangöra tosatnan nöngöra uruqahö keu kewö jimakze, “Polnöñ mönö köna onğita siñgisöndok ahakza.” ⁸ Urumelen könagesö tosatne nup qahö membiga töndup nalukni öne niñgigetka membi nangöm niñgiiga injini welen qem engiba malal. Tosatnan miangöra kewö jimakze, “Polnöñ yongorö nene silik tandök ak engiba malja. Miangöra aposol qahö akzapmö, nannj nupña memakza.” Nöngöra mewö jiba jim sohomakze.

⁹ *Embuk mala yuaigöra osiba mözöröngöba miangören mönö engörenök kun qahö kunguba mem lömböriba nene yuainj qahö memba malal.

* **11:9:** Fil 4.15-18

Mewö qahöpmö, urumelen alaurup Masedonia prowinsnöhök kaba yuaigöra osiali, mi ek asariba monej ningigetka dop kölök. Ahakmemeni pakpak miangörej mem lömbörim engibilenbuköra möta galöm mem anguba malal aka mewö toroqeba malmam.

¹⁰ Mem lömbörim engibilenbukö keuni miangöra mönö nani sileni memba öngöba maljal. Kunjan keuni mi Akaia prowinsjinangö gölmenji gölmenji pakpak miangörej qeapkömamgö osima. Kraistkö keu ölnjan mönö nam köl ningiiga keu mewö jöhöba jiba kinjal. ¹¹ Mi wuanöngöra? Mi injini qahö jöpaköm engibilenjak, miangöra me? Mönö ölnja jöpaköm engimakzali, mi Anutunöj mötza.

¹² Aposol seseknai ewö ahakzei, yejön nembuk “Öröröj akingö nup tandök miyöhök memakzin,” mewö jibingö mötze. Miangöra kewö kuŋgum engimakze, “Polgö tandök ewö nup memakzinangöra mönö Pol ewö nangöm nenjime.” Nupjinangöra silenini möpöseibingö möta miangö könaŋi jarumakzemö, mi ölop qahö miwiknaime. Nöjön i ewö qahö akzal. Miangöra mem lömbörim engibilenbuköra mönö nani galöm mem anguba maljal aka toroqeba mewö malmam.

¹³ Yejön aposol ölnji qahöpmö, mönö aposol takapulakani aka nup meme ambazip isimkakaleknambuk akze. Kraistkö aposol nenjö tandök kondel anguba nup laj memakze. ¹⁴ Satanöj nanjak asaknangö garata tandök ewö kondel anguba nup laj memakza. Miangöra timbiqimibilim mienön mewö akerangöra qahö welipkömakin.

¹⁵ Mianğöra Satangö welenqeçe ambazipurup mienjon ambazip welenjini qebingö tandöktandök aka Köna keu wuatangöba mewö mianjon solanji aknegöra jim sohoba kondel angumakze. Mewö nup laj memakzeangöra mönö qahö auruba welipkömakzin. Silememe mewö ahakzemö, nalö teteköñe Anutunöñ mönö likepñi ahakmemenjanangö dop melenj engima. Mewö.

Polnöñ aposol nup memba sihimbölo gwötpuk mörök.

¹⁶ Keuni kunbuk kewö jimam: Engörenök tosatñan nöñon uruqahö maljal, mewö mötmöribeak. Mewö mötmöribeak ewö, ni mönö uruqahö azigö tandök köl öröm niñgime. Mewö aketka ölop i ewö nani sileni memba öngöba sutñine malmam. ¹⁷ Awösamakak ketanji möta sileni memba öngöba keuni jizali, mi Kembugö mötmöt sihimñangö dop qahöpmö, mi uruqahö azigö tandök ewö jizal.

¹⁸ Ambazip gwötpukñan sutñine gölmegö ahakmeme bölöñi wuatangöba silenini memba öngömakzei, mianğöra nöñon mönö mewöñanök aka keuni mianğö dop jizal. ¹⁹ Nanninak “Mötmöt ambazip öngöñgöñi akzin,” jizeangöra mönö uruqahö ambazip yengöra mötketka qahö lömbörimakza.

²⁰ Ijini öl közömña kewö akze: Ambazip kewöñi yengöra mötketka uruñinan qahö lömbörimakza: Kunñan engömemba jöhöiga welenqeçeurupñi etqeqeñi akze. Kunñan tutuhum engiba nenenini nem tekömakza. Kunñan jim kelök ak engiiga buñanji akze. Kunñan nanñi sileni memba öngöba keu töhörej jiba nuñgulumñini qekötahömakza.

21 I ewö öröm ureim ak engimangöra mönö lölöwöröni aka malal. Ösöñ ak engialangöra “Keñgöt moröya akza,” jiba nöngöra mewö mötmörize me qahö? Keu mewö jiba mianön ölop gamu qem ningimeangö dop akzal me? Keu jimami, mi mönö uruqahö azigö dop jimam. Timbiqimbilim yeñön nup memakzeangöra silenini memba öngömegöra gamuñini qahö mötze ewö, nöñön mönö mewöyök nupnangöra aka sileni memba öngömangö möt köhöimakzal.

22 Yeñön keu kewö jiba silenini memba öngömakze, “Nini Juda ambazip aka Hibru keu jimakzin.” Mewö jimakzemö, nia kun mewöyök akzal. “Israel ambazip akzin,” jimakzemö, nia kun mewöyök akzal. “Abrahamgö isi amböurupñi akzin,” jimakzemö, nia kun mewöyök akzal.

23 *Keu kun mi uruqahö azigö keu tandök ewö jimam, “Yeñön Kraistkö nupñi memakzin,” jimakzemö, nöñön mi mönö i luhut ala engongita memakzal. Nöñön mönö ambazip mi engongita nup köhöiba memba malal. Kraistkö nupköra aka kösö mire al ningigetka miangören i engongita nalö gwötpuk taral. Ihilek wahinambuknöñ mönö könöpuk könöpuk nuñguba malget. Nalöñi nalöñi lömböt miwikñaiba kömumangö dop aka malal.

24 *Juda jike galöm tosatñan jigetka arawambu kömbinöñ nuñgugetka areñi 39 aiga sihimbölöñi möta malal. Mewö ak ningigetka indimñi 5 ahök.

25 *Rom gawman yeñön jigetka ihilek wölkizknöñ nuñgugetka indimñi karöbut ahök. Sömañi mohot kötnöñ nuñgugetka kömumangöra ahal. Wançe

* 11:23: Apo 16.23 * 11:24: Dut 25.3 * 11:25: Apo 16.22; 14.19

ketanje malbiga köwet töromnöŋ kuŋguba qaköba jömgöiga indimŋi karöbut ahök. Nalö kunöŋ wanje jömgöiga köwetnöŋ geba silimŋi mohot aka sunjemŋi kun köwet qakŋe laŋ malal.

²⁶ *Nalöŋi nalöŋi köna anda kaba malal. O töwatŋi töwatŋi (göwöŋi göwöŋi) kutuba miangöreŋ lömböt miwikŋaiba ayuhumamgö dop aka malal. Kegwek-kahasililiŋ ambazip yengöra aka kömumamgö kengetni möta malal. Juda könagesöurupni yengöra aka lömböt miwikŋaiba ayuhumamgö dop aka malal. Kian kantri yengöra aka lömböt miwikŋaiba ayuhumamgö dop aka malal. Taonŋi taonŋi miangöreŋ lömböt miwikŋaiba ayuhumamgö dop aka malal. Arökŋaŋgö miriŋi miriŋi miangöreŋ lömböt miwikŋaiba ayuhumamgö dop aka malal. Köwet kutuba anda miangöreŋ lömböt miwikŋaiba ayuhumamgö dop aka malal. Alaurup takapulakanŋi yeŋön nuŋguget kömumbilenbuköra wösöni kot gwözöŋniga malal.

²⁷ Malmalni nanömamgöra nup köhöiba memba malal. Gaun guli gwötpuk malal. Nup gwötpuk mealangöra nenegö nalöni qahö ahöiga nenegö kömumba ogö kömumba malal. Nene qahöwahiga nalö gwötpuk bödi aka malal. Opo malukugöra osiba sanŋenŋi möta malal. ²⁸ Miyök pakpak qahöpmö, toroqeba kewö möta malal: Ürumelenŋ könagesöŋi könagesöŋi pakpak yeŋön waimanjatŋini jigetka urunan mönö nalö dop möt lömböriba malal.

²⁹ Mötnarip alaurup denike yeŋön sörauba löwörize ewö, nöŋön mönö mewöŋanök i uru

* 11:26: Apo 9.23; 14.15

al enğizal. Kunŋan kölgorom aliga urumelen alanan siŋgisöndok akzawi, siŋgisöndok miangö könöpŋan mönö nönğö uruni mewöyök nohoiga tembulakzal.

³⁰ Silememe keuyök mönö mötpingö ak enğiza. Miangöra sileni memba öngömamaŋgö dop ak-ilenjak ewö, ni memba et al niŋgigetka ösumeret tandök akzali mönö miangöra aka sileni memba öngömakzal. ³¹ Kembu Jisösgö Iwi Anutuŋi nalö dop möpöseininga teteköŋi qahö aködamunŋambuk mal öngömawi, yaŋön mönö nönğö könaŋamni möri munen keu qahöpmö, keu ölni mi jizal.

³² *Damaskus sitinöŋ malbiga kiŋ Aretasgö kiapŋan mönö buldömin aziurupŋan nömimba jöhöm niŋgimegö jim kutum enğiiga Damaskus ambazip yeŋgö siti sel naŋuŋe mönimba ölöŋ köla anbilenbuköra galöm memba kinget. ³³ Mewö kingetmö, alaurupnan nömemba sakapnöŋ al niŋgiba kösönöŋ jöhöba siti sel jeŋgenañeyök ösönösöŋ algetka gölmenöŋ eta köla böröŋeyök ölöŋ köla kayal. Mewö.

12

Polnöŋ jemelen imut eka indelindel keu mörök.

¹ Enğö silememe alaurupŋinan jemelenğö keuŋi keuŋi jimakzei, miangöra nönön mewöyök sileni möpöseiba jemelenğö keuni jimam. Keu mi ölop qahö bauköm enğimapmö, töndup keu toroqeba jemelen imutŋi imutŋi eki Kembunöŋ keuŋini indeli mörali, miangö kösohotŋi jimam. ² Azi kun möt waŋgibi Kraistpuk qekötahöba malja. Uŋa

* **11:32:** Apo 9.23-25

Törönan i waŋgiriga gölmegö kousu luhut jaböni onŋgita öngöba seŋgelau jaböni onŋgita öngöba Anutu nanŋaŋgö Suep miri uruŋe eu öngöyök. Nalö mianŋgöreŋök yambu 14 lök teköi maljin. Silebuk me silenŋi qahö uŋaŋanök öngöyöhi, mi qahö mötzal. Anutunöŋ mi mötza.

³⁻⁴ Uŋa Törönan azi mi waŋgiri Anutugö oy-aenŋkoyaen miriŋe öngöi keu qainŋi kun jigetka mörök. Gölme azi nöŋön keu mi jimangö sonŋo ahöza aka keu mi gölme ambazip nenŋö keuni-nan jibinaŋgö dop qahö. Silebuk me silenŋi qahö öngöyöhi, mi Anutunöŋ mötza. Nöŋön mi qahö mötzalmö, yaŋgö kösohotŋi mötzal.

⁵ Nöŋön azi yaŋgöreŋ yuai asuhuyöhi, mianŋgöra sileni memba öngömamaŋgö dop akzal. Nanaŋgöra mi asuhuyökmö, töndup mianŋgöra aka nani sileni qahö möpöseimakzal. Mianŋgöra qahöpmö, ösumeret akzalaŋgörök mönö mewö ahakzal.

⁶ Nanaŋgöra sileni mewöyök memba öngömamgö mötpileŋak ewö, keuni mönö keu ölnaŋgö dop jibileŋak. Mewö keu omaŋi jiji azia qahö akileŋakmö, mi kewögöra köyatim aŋgumakzal: Körek eŋön jemelenŋ mi ehalanŋgöra keu diŋdiŋi onŋgita nöŋgöra mötket öngöŋgöŋi akileŋbuk. Ahakmemeni aki eketka keu jibi mötkeri, mönö mianŋgö dowök kewöt niŋgimegöra mötzal.

⁷ Indelindel keu öngöŋgöŋi mötŋi keu tosatŋi onŋgirakzawi, mianŋgöra aiweliköm aŋgubileŋbuköra Anutunöŋ yuai jitŋambuk nöŋgö silene aliga kondi sötmangö dop nuŋgumakza. Satangö garatanöŋ sihimbölo mi niŋgiiga mörakzal. ⁸ Mianŋgöra Kem-bunöŋ mi sileneyök mem gilmapköra köuluköbiga

indimɲi karöbut ahök.

⁹ Mewö köuluköyalmö, keu kewö jii möral, “Qahö. Ösumeret aknöŋga nöŋgö kukösumnan mönö amqeba urugi kokolak qeiga aködamungabuk ahakɲan. Mianğöra nöŋgö kalem möriamni mönö buɲa qem anğunöŋga dop kölma.” Keu mi jii möta Kraistkö kukösumɲan qakne öŋgömapköra mörakzal. Mianğöra ösumeret ahakzalanğöra sileni möpöseimakzal. Lömböt mi qahöwakɲapköra qahö toroqeba köulukömakzal.

¹⁰ Kraistnöŋ ni ösumeret ahakzali, nalö mianğöreŋ ösum niŋgiiga köhöiba kinakzal. Mianğöra ösumeret akzalanğöra tøndup mötpi dop köli siksuk qahö akzal. Tosatɲan uruqege keu töhöreŋ jim niŋgigetka mötpi dop köl niŋgiza. Kraistköra aka kahasililiŋ sesewerowero ak niŋgigetka wahöjalin möta mianğöreŋ tøndup urubönjöŋ miwikɲaimakzal. Mewö.

Polnöŋ Korint yenğöra waimanjat mörök?

¹¹ Sileni memba öŋgöba mönö uruqahö tandök akzal. Diŋgimeğöra aka köna murutɲi kun qahö miwikɲaiba nöŋgöra mötket öŋgömapköra mi jizal. Ölɲa, Anutunöŋ qahö bauköm niŋgibawak ewö, nanak mönö yuai kun qahö aki andöqege keuɲinan ölɲi akawak. Ölɲi akawakmö, ahakmemeni mewö me mewö kewötzali, mönö etqegeŋi qahö akzal. Tosatɲan aposol qetpukö qet memba timbiqimbilang laŋ maljei, nöŋön mönö yenğö nembö bapɲine qahöpmahöp maljal.

¹² Engö sutɲine nup memba lömböt gwötpuk möta mökösoŋda malali, mianğöreŋ Anutugö kukösumɲan sölölohöm niŋgiiga anğöletot aiwesök

könaŋi könaŋi asuhuget. Ahakmeme mianŋön mönö aposol akzalaŋgö könaŋi kondel enŋiiga eket.

¹³ Injini bauköm enŋial aka urumelenŋ könagesö tosatŋi mi embuk örörönŋ ak enŋial. Tosatŋi enŋömembu wahötkeka injini mönö denöwö enŋömosötpi öne malbeak? Ölja, naŋgöm niŋgimegö lömbötŋi mi enŋö qakŋine qahö alal. Aposol takapulakaŋi yeŋön lömböt mi enŋö qakŋine alakzemö, nöŋön mi tosatŋi yeŋö qakŋine albi bisimakze. Naŋgöm niŋgimegöra qahö kuŋgum enŋiba mewö köpösihit ak enŋial me? Mianŋöra “Polnöŋ köpösihit azia akza,” jibeak, mönö pinjitni mi mosötmegöra qesim enŋizal.

¹⁴ Mötke, nalö kewöŋe kunbuk enŋörenŋ kamangö jöjöröbiga indimŋi karöbut akŋa. Kaba nupni naŋgömegö lömbötŋi mi dumŋe kunbuk enŋö qakŋine qahö almal. Mi qahö. Nanŋini sukinapŋinangöra qahö köpösönŋömakzalmö, nanŋinak mönö nöŋgöra ak enŋimapköra mötzal. Nahönbörat yeŋön iwinamurupŋini naŋgöba inap tokoba enŋimeanŋö dop qahö akzemö, iwinam yeŋön mönö mi nahönböraturupŋini yeŋgöra tokogetka dop kölja. Mianŋö dop urugö nupnöŋ göröken nöŋön iwiŋini akzal. Mianŋöra urunöŋ göröken bauköm enŋimangö mötzal.

¹⁵ Mianŋöra enŋön ölöwakŋegöra yuaini pakpak mi sösongai qakŋe tököm enŋibi enŋö buŋa akŋapköra mötzal. Nani malmalni mewöŋanök ölöwakŋegöra mosötmangö mötzal. Mewö önöŋi qahö jöpaköm enŋibi urukalemnan qarimakzapmö, enŋö urukalemŋinan mönö töndup wuanöŋgöra wazimakza?

16 Ölŋa, naŋgöm niŋgimegö lömbötŋi mi eŋgö qakŋine qahö alal. Nöŋgö tuarenjoŋurupnan keu miangöra urumohot akzemö, tosatŋan kewö jibeak, “Pol mi mötmöt azia aka tilipqilipŋambuk uruŋini mezaŋda köpeim eŋgiba monenŋini mewö me mewö örömakza.” Keu mianŋön ölŋi qahö. 17 Mi denöwögöra jize? Neŋakurupni melaim eŋgibiga eŋgöreŋ kageri, yeŋgöreŋök kuŋŋan Pol inap waŋgimegöra kuŋgum eŋgiyök me qahö? Qahö. 18 Taitus eŋgöreŋ kamapkö kuŋgum waŋgiba urumelen ala kun yambuk melaibi kayohot. Taitusnöŋ ni inap niŋgimegö kuŋgum eŋgiyök me qahö? Qahö. Uŋa mohot mianŋön mönö solölöhöm netkiiga nup naŋgönaŋgögö köna mohot anda kaba malit. Mewö.

Polnöŋ mönö Anutugö kukösum qakŋe kama.

19 Kimbi ki oyoŋda miangöreŋ nöŋgöra kewö mötmöribepuk, “Keu jim eŋgiinga miangö likepŋa kapaŋ köla jiba mewö ohoza.” O wölböt alaurupni, miangöra kewö jimam: Mönö Kraistpuk qekötahöba keuni Anutugö jemesoholŋe jiba ohoyal. Nupnini pakpak mi eŋön uruŋini möhamgöba köhököhöi miwikŋaimegöra memakzin.

20 Eŋgöreŋ kaba eki ahakmemeŋini tökömakzali, mi wuatangöba malbepuk. Mewö miwikŋaim eŋgibileŋbuköra waimanjat mötzal. Ahakmemeŋinaŋgö likepŋi melen eŋgibi qakŋine öŋgömawi, eŋön mönö tandök akŋami, mi tökömegöra mötzal. Sutŋine ahakmeme kewö akepuköra goro mötzal: Uruŋöŋ mututqutut aka aŋgururuk akepuk. Urusiŋgok aka yom jibepuk.

Silenöŋ alal ak aŋguba deŋda nanŋini kambugörök mötmöröiba malbepuk. Andöqeŋe keu töhöreŋ jiba mianŋön mem bölim aŋgubepuk. Tosatŋi yeŋgö keuŋini tölapŋe jigetka diwonŋdawoŋ anŋapuk. Jakbak-öraŋböraŋ aka areŋi törörök qahö wuatangöba nanŋini imbi-imbi laŋ malbepuk.

²¹ Mewö aka malme ewö, nöŋön mönö kewö asuhumapköra waimanŋat möta kamam: Ambazip gwötpukŋan mutuk siŋgisöndok aka malgeri, yeŋgöra mönö urukömbuk aka sahötpileŋbuk. Ahakmeme töwötŋambuk laŋ wuatangöba sihimŋini kömbönaŋi miwikŋaimegöra serowilin akerangöra gamu qahö möta qahö möt bölim aŋguget. Sutŋine kabiga uruŋini kunbuk qahö melenŋet enŋekiga Anutunöŋ mönö uruni kuŋgui kunbuk urueret akileŋbuk. Mewö.

13

Galöm meme keu qöndökŋi

¹*Nalö kewöŋe enŋöreŋ kabiga indimŋi karöbut akŋa. “Keugö jakeŋe alalgö keuŋi pakpak mi mönö ambazip yahöt me karöbutŋan nanŋöba jigetka köhöimakza.” ²Nöŋön Buŋa keu mianŋö dop akzal. Enŋö sutŋine malbi indimŋi yahöt aiga mianŋöreŋ lök galöm meme keu enŋial. Keu mi nalö kewöŋe kunbuk köl guliba qeljiŋeyök jizali, mianŋön teköza. Mianŋöra kunbuk kamami, nalö mianŋöreŋ ambazip siŋgisöndok mutuk akeri me akzei, mi mönö qahö enŋehorimam. Bölöŋamŋinambuk iŋini mönö körek mindiŋgöm enŋimam.

* **13:1:** Dut 17.6; 19.15

³ Kraistnönj mönö ösumeret qakņe qahö ak enjimakzapmö, kukösumņi sutņine kondelakza. Kraist mianjönök mönö sölölöhöm ninggiiga aposol aka keu jimakzali, injini miangö kōnaņangōra uruyahöt aka kapan kōla qesim aņgumakze. Miangōra silikņinaņgö dop mönö keu enjiba mindiņgöm enjimam.

⁴ Kraist maripomnönj qegetka kömuyöhi, nalö miangörenj mönö ösumeret tandök malökmö, tōndup Anutugö kukösumņan nam köl waņgiiga mal köhöiza. Nōņön mewōņanök yambuk qekōtahōba nani ösumeret aka maljalmö, Anutugö kukösumņan mönö nam köl ninggiiga Kraistkö jitņi memba mindiņgöm enjimangö mal köhöizal.

Mönö nanņini kewöt aņguba uruņini melenjme.

⁵ Mönö nanņini törörök kewöt aņgume. Uruņini melenja öļņa Kraist möt narize me qahö, miangōra mönö esapesapnönj ala kewöt aņgume. Kraist Jisösgö Uņaņan uruņine mal köhöizawi, mi möt kutuze me qahö? Uruņine qahö malja ewö, injini mönö esapesap miangörenj et enjuiga Kraistkö buņaya qahö akze. ⁶ Nōņön enjörenj aposol öļņi akzal me qahö, injini mewö kewöt niņgigetka esapesap miangörenj kude eta nuņguma, mewö mötzal. Injini nōņgö kōnani mewö aukņe eka möt kutumegōra jörömqöröm aka maljal. Miangōra mindiņgöm enjibi öļņa dop kölma.

⁷ Keu pakpak ohoba kotzali, mi ak sohobepukōra Anutu köuluközin. Keu kun jim sohoba malgetka kaba mindiņgöm enjibiga tuarenjorurupnan mönö aposol kukösumni öļņa eka ek asarime. Mewö asuhumapkōra qahö

köuluközal. Inini qahö mindingöm engimamangö dop nekepuköra qahö köuluközalmö, enön urumelen diñdiñi aknegöra köuluközal. Uruñini ölña melenme ewö, nöñön mönö qahö mindingöm engibi tuarenjonurupnan nöngöra toroqeba azi lölöwöröñi tandök ewö mötpeakmö, mi muat.

⁸ Nini keu ölñi qetala kun uteköbingö osibinmö, keu ölñan sehimapköra ölop kinbin. ⁹ Nöñön kukösumni qahö kondela ösumeret tandök malbiga enön köhöiba kinmei, nalö mewöñe mönö sösongai ahakin. Urumelenjö aködamunñini körek miwikñaiba köhöiba kinmegöra neñön Anutu köulukömakzin. ¹⁰ Kembunöñ inini memba et al engimamgöra qahöpmö, uruñini möhamgöbi köhöimegöra möta kukösumñi mi al niñgiyök. Kukösum miangö qakñe kinda engöreñ kamami, nalö miangöreñ könöpuk ak engibileñbuköra mönö keu ki köröwen mala engöra kimbi ohozal. Nanñinak mindingöm angume ewö, mönö ösöñ ak engimam. Mewö.

Yaizökök keu teteköñi

¹¹ O urumelen alaurupni, keuni jim teköba qambañ kewö engizal: Mönö söngai malmel. Könañamñini sohoyöhi, mi mönö körek mindingöm teköme. Urukunḡukunḡu keu engizali, mi mönö buña qem anguba tem kölme. Keu jiali, miangöreñ mönö urumohot aka luainöñ malmel. Mewö aketka Anutu jöpaköm angumegöra inahöm neñgiba luai qem neñgimawi, yañön mönö embuk malma.

¹² Inini urumelen alaurupñini yembuk jölöñini jiba mönö köna sarakñi wuatangöba jölöñini jiba angum anguba numbuñini yöhötim namba malmel.

Anutugö ambazip sarakñi pakpak ki maljei, yeñön yaizözköknini algetka engörej kaza.

¹³⁻¹⁴ Kembu Jisös Kraistnöñ mönö kalem möriamñi engiiga Anutugö urujöpakñan nam köl engiiga Uña Töröñan körek inahöm engiiga urumohot aka köisirik malme. Mewö.

Burum-Mindik Bible
The New Testament and portions of the Old Testament
in the Somba-Siawari language of Papua New Guinea,
also called the Burum Mindik language.
Sampela hap Buk Baibel long tokples Burum Mindik
long Niugini

Copyright © 1992, 2002 The Bible Society of Papua New Guinea

Language: Burum-Mindik or Somba-Siawari (Somba-Siawari or Burum-Mindik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-22

PDF generated using Haiola and XeLaTeX on 21 Feb 2024 from source files dated 31 Aug 2023

c0871260-68cc-5a50-953f-52200e105d1e